

Segun Parlamentario Oduber ex-minister Ursell Arends a boycotia maneho di desperdicio



Pagina 3

- **Salario minimo
pa ora ta
bira Afl. 11,58
entrante 2026**

Pagina 2

- **Reaccionnan
riba Ley di Reino
ta trece dilanti
preocupacion y
propuestanan pa
futuro financiero**

Pagina 4

- **Gobierno di
Aruba a firma
MOU pa desaroyo
economico
sostenibel**

Pagina 6

Esaki ta e proceso di Rijkswet
splica stap pa stap




Pagina 6

Cantidad di crimen sexual reporta
a aumenta cu 60% den cinco aña



Pagina 9

Blackoutnan na
Cuba ta lanta
preocupacion pa e
salud mental di e
poblacion



Pagina 11

Salario minimo pa ora ta bira Afl. 11,58 entrante 2026

Ministerio di Turismo, Transporte y Labor hunto cu Departamento di Labor y Investigacion (DAO) ta anuncia introduccion di salario minimo, pa ora, entrante 1 di januari 2026.

Introduccion di salario minimo pa ora

Aruba ta uni su mes na e otro paisnan den Reino pa introduci un salario minimo pa ora. Introduccion di un salario minimo pa ora ta conduci na un salario minimo mas husto y mas transparente y ta necesario pa promove y proteha bienestar y prosperidad di tur empleado. E conseho di Sociaal Economisch Raad (SER) ta indica cu e falta di un salario minimo pa ora por ta considera manera un deficiencia den e proteccion di e posicion di e empleado.

E metanan di Desaroyo Sostenibel (SDGs), particularmente meta 8, ta enfatisa e importancia di pago igual pa trabao igual y pa promove un crecimiento economico inclusivo. E crecimiento economico aki mester traduci den henter nos comunidad di un manera sostenibel y husto. Dia 1 di september 2025, a



aproba unanimamente den Parlamento di Aruba e cambionan den e ley di salario minimo pa asina introduci salario minimo pa ora. Entrante 1 di januari 2026 ta bira obligatorio cu tur empleado di 18 aña of mas, cu ta gana e salario minimo, mester gana un salario minimo pa ora sin importa e cantidad di ora cu ta traha.

Cuanto e salario minimo pa ora ta?

Entrante 1 di januari 2026 e salario minimo pa ora ta Afl. 11,58.

Cua ta e cambionan principal?

A. Den e ley di salario minimo actual tin un discrepancia entre empleadonan cu ta traha 40 ora pa siman y empleadonan cu ta traha mas cu 40 ora pa siman. Conforme cu e ley actual, tur dos grupo ta gana mesun salario minimo pa luna, mientras cu e ultimo

grupo ta traha mas ora. Esaki ta nifica cu un empleado cu ta traha 40 ora ta gana Afl. 11,58 pa ora, mientras cu un empleado cu ta traha 45 ora ta gana Afl. 10,29 pa ora. Cu e introduccion di un salario minimo pa ora, ta elimina e discrepancia aki.

Introduccion di un salario pa ora ta nifica tambe cu empleadonan cu ta traha menos cu 40 ora pa siman mester gana minimo e salario minimo pa ora di Afl. 11,58.

B. E formula di calculacion uza pa calcula e salario minimo pa luna ta keda corigí. Te cu awe ta uza un formula incorrecto di 4,28. E formula aki ta incorrecto, pasobra e no ta basa riba e cantidad real di siman pa luna. Entrante 1 di januari 2026 lo uza un formula mas preciso cu ta 4,333 (52 siman dividi den 12 luna).

C. Posicion di e empleadonan domestico ta bira mas claro. Tin un distincion detaya entre e empleadonan domestico cu ta biba cerca su dunado di trabao y e empleado domestico cu no ta biba cerca su dunado di trabao. Pa e empleado domestico cu ta biba cerca su dunado di trabao ta conta

un salario minimo pa ora di Afl. 5,35 pasobra e dunado di trabao ta cubri e gastonan di biba di e empleado. E beneficio aki ta conta manera parti di su salario den natura. Tur otro empleado mester gana e salario minimo di Afl. 11,58.

Pa ken e ley di salario minimo ta aplicabel entrante 1 di januari 2026?

Pa controla si un empleado ta cay bao di e ley, e salario pa ora mester ta conoci. Si e salario ta mas abao cu e cantidad legalmente estableci di Afl. 11,58, e salario pa ora mester keda ahusta entrante di 1 di januari 2026. Empleadonan cu ta gana mas halto cu e salario minimo pa ora di Afl. 11,58 no ta cay bao di e ley aki.

DAO ta haci un yamada na tur empleado y dunado di trabao pa tene cuenta cu e cambio den e ley di salario minimo cu lo dreña na vigor dia 1 di januari 2026. Pa mas informacion por yama DAO na 523-7720 of manda un e-mail na directiearbeid@arubagov.aw. Tambe por bishita DAO su oficina na Paardenbaaistraat 11 entre 7.30 am pa 12:00 pm y 1:00 pm pa 3:00 pm.

Ehército Real di Hulanda ta train habilidadnan tecnico na Corsou y Aruba

Durante ehercicio Caribbean Engineer

Pa proximo tres siman, ingenieronan militar ta bay train na Corsou y Aruba. Mas cu 100 militar Hulandes ta bay participa den e ehercicio anual di Caribbean Engineer. Durante e ehercicio, nan lo realiza trabaonan na sitionan di Defensa y yuda construi klasnan pa Fundashon Futuro Brillante.

E personal militar Hulandes di "105th Engineer Company" ta bay train nan habilidadnan tecnico y funcionamiento den ekipo na Corsou y Aruba durante proximo simannan. E ehercicio anualmente programa aki ta ofrece

e ingenieronan e oportunidad pa construi y innova bao di condicionnan tropical, poniendo nan conocimiento y habilidadnan di construcion na prueba.


Durante nan estadia den Caribe, nan lo traha na diferente localidad riba proyectonan tecnico cu no solamente ta fortalece nan propio habilidadnan, pero tambe ta contribui na comunidad. Durante edicionnan anterior di Caribbean Engineer, e soldadnan a construi un post di warda pa Carmabi na Shete Boka, un toren di vigilancia riba flamingo den reserva natural Hermanus, y nan a lora



manga tambe na scol Colegio Chaya Willems.

E aña aki, e militarnan na Corsou ta yuda Fundashon Futuro Brillante construi klasnan adicional. Nan ta extende un rampa di boto na Base Naval Parera, renobando postnan di warda na Wacao, y proveyendo un afdak na e tereno di tiro di Daou pa asina e entrenamiento por tuma lugar bao di tur condicion di tempo.

Na Aruba, e ingenieronan ta



trahando for di Kazerne di Marina na Savaneta. Eynan nan ta mehorando un waf y desmantelando un rampa di boto, entre otro. Instalacionnan na e kazerne tambe ta ser renoba usando krannan pisa.

Den proximo simannan, regularmente lo mira e ingenieronan na Corsou y Aruba cu mashin excavator pa coba, truck, grua y mashin pa coba. E ekiponan grandi y impor-



tante aki a ser manda for di Hulanda pa Caribe, pa asina e militarnan por ehecuta nan tareanan optimalmente. Bao di condicionnan tropical, nan lo practica nan habilidad, aumenta posibilidad di keda desplega, y contribui na e infraestructura y e comunidad, fortaleciendo mas ainda e seguridad y resiliencia di e islanan.

Potret di Caribbean Engineer 2024.



Segun Parlamentario Oduber ex-minister Ursell Arends a boycotia maneho di desperdicio

Ayera mainta durante un conferencia di prensa lider di fraccion di PPA, parlamentario Otmar Oduber a trece dilanti varios topico di preocupacion. Un di e topiconan aki ta e situacion actual di maneho di desperdicio na Aruba y Serlimar.

Parlamentario Oduber a remarca cu e topico aki ta uno di preocupacion grandi pa fraccion di PPA y a enfatisa cu ta un punto hopi importante cu mester para keto riba dje specialmente teniendo na cuenta cu ta trata bida y salud di hende.

Oduber a critica e maneho y decisionnan cu ex minister di Naturalesa, Ursell Arends (Raiz) a tuma pa loke ta trata desperdicio, y tambe e incinerator. El a indica cu como fraccion di PPA e siguiente paso cu e ta bay tuma ta yama un reunion publico riba e topico aki den cual e minister mester bay parlamento y habri carta, dossier y tur documento cu ta existi riba e topico aki. “Loke a tuma luga ta un asesinato na Aruba pasobra hendenan ta perde na bida y salud cu loke a tuma luga,” el a remarca. El a splica cu minister anterior a bay contra di un incinerator na Aruba a pesar cu DOW a duna conseho e tempo ey pa busca dos incinerator mas pasobra a resulta cu e cantidad di sushi a bira mas grandi.

Parlamentario Oduber a sigui splica cu fraccion di PPA a duna un declaracion anteriormente indicando cu tabatin mas cu cincuenta container



di cuarenta pia yen di desperdicio humano, desperdicio biologico, di hospital, entre otro, cual el a indica minister Rene Herde a confirma algun siman atras den parlamento confirmando asina cu loke PPA a trece dilanti no ta simplemente storia.

“Un proyecto di busca incinerator a ser boycotia door di Sr. Arends caminda cu awe AWSS mester a busca no dos pero cuater incinerator mas. Mi ta felicita nan, pero nos ta siete aña laat. Ora Otmar a papia riba incinerator siete aña atras, nos por a evita e desaster cu tin awe. Pero pa capricho, pa bringa, pa duna un show di cera un dump. P’esey mi ta bisa e minister mester ser poni responsabel. Ta yega momento na e pais aki cu ora bo haci algo malo contra e comunidad bo mester paga p’e,” el a enfatisa. El a expresa cu minister anterior a “boycotia” henter e sistema pa loke ta trata desperdicio di sushi na Aruba, a gaña cera dump, cual segun e parla-

mentario no a ser cera, y cu el a haci un desaster tambe na Ser’i Teishi caminda cu gas ta sali riba henter e pueblo rond di Parkietenbos y full e bario alrededor. “Bo no a drecha nada,” el a subraya.

Oduber a splica cu segun e por a compronde tin un rapport forensico cu a ser traha na aña 2020 of 2021, y cu cla caba pero niun hende no tin dicho rapport. Segun e parlamentario esaki ta pasobra cu e tempo ey gobierno a indica cu Serlimar tabata bancarota, algo cu el a segura no tabata berdad y cu a perhudica un cantidad di comerciante y trahado di Serlimar. El a sigui splica cu tin otro companianan cu ta den pio situacion cu Serlimar. El a menciona Post Aruba NV y Arubus NV. El a remarca cu Serlimar por a soluciona su situacion si a coy e ley cu ta na Parlamento pa Serlimar y aproba esaki. “Mi ta bay puntra e minister si e ta contra pa coy e ley back cu ainda ta den di dos ronda, desde seis aña pasa, cla pa vota



riba dje caminda cu Serlimar lo por cobra su placa y lo a bira un compania cu ta gana placa. No solamente nan lo bira para riba nan mesun pia, pero nan lo gana placa caminda cu lo a regla for di seis pa siete aña pasa e situacion di desperdicio na Aruba,” el a agrega.

Parlamentario Oduber a subraya cu e situacion di maneho di desperdicio ta hopi serio pasobra e tin efecto riba salud y bida di hende, bida di hende. El a cuestiona con gobierno anterior y minister anterior a boycotia un sistema cu aworaki siete aña despues ta bay back na e mesun proyecto, plan y vision cu su mesun persona tabatin siete aña pasa. “Keto bay bo kier pretende como si fuera cu Serlimar ta den situacion financiero precario. Si abo como gobierno a permiti nan pa keda sin cobra y abo como gobierno ta esun cu ta subsidia nan y ta bisa pa nan haci gasto pa 25 milyon pero ta manda 20 milyon so pa nan, ta con bo no kier pa e compania ta den cora. E tempo ey e mentalidad di e minister anterior tabata cu kier a duna Serlimar na un compania priva na Aruba. Tabatin un deal bou mesa cla pa ser regla y mester a pinta cu Serlimar ta failliet, pero a demostra cu no ta failliet, pero e por tabata un compania cu ta gana placa awe,” el a señala.

Por ultimo el a remarca cu situacion aki ta afecta salud di pueblo y ta importante pa ser atendi cune. Pa e motibo ey como lider di fraccion di PPA Oduber ta bay yama reunion publico cu e minister pa e minister duna informacion na Parlamento y saca documentonan y busca e rapport forensico cu nan a traha pa investiga e periodo cu su persona tabata encarga cu Ser-

limar, hunto cu e rapport di Grand Thornton e tempo ey pa hiba e discusion di e ley di Serlimar den Parlamento di Aruba.

Arends: “Otmar su maneho a manda Serlimar den bancarota”

Bon Dia Aruba a tuma contacto cu ex-minister Ursell Arends pa puntra su reaccion y comentario riba e indicacion di parlamentario Oduber cu el a boycotia e maneho di desperdicio na Aruba. Na esaki ex-minister Arends a comenta cu “no por papia di ‘boycott maneho’. No tabatin maneho. Unico 3 boycott cu tabatin den e sector aki ta 1. E boycott di e planta di Bouldin & Lawson cu a costa Aruba miyones di florin na kapitaalvernietiging. 2. Boycott di un acuerdo cu Eco-Tech pa cual Aruba ainda ta core riesgo di miyones na daño y perhuicio y 3. Boycott na Serlimar, causando cu e companai a termina den surseance van betaling y casi a termina bancarota.”

“Kico tabata su maneho? Un toekening pa un compania di un incinerator cu ta hole mas stinki cu e desperdicio cu nan ta procesa? Nos mester a rescata e compania, pone Serlimar para back riba su pia, introduci un maneho di desperdicio basa riba e principio nan di reduci, reusa, recicla. Otmar su maneho a manda Serlimar den bancarota,” Arends a remarca.

Pa locual ta AWSS, el a agrega cu Waste 2 Energy no ta un maneho di desperdicio duradero ni responsabel, riba cual tin hopi investigacion ta demostra esey. El a indica cu den su maneho incinerator tin un rol chikito pa carcas y temporario pa desperdicio medico y desperdicio humano.



Reaccionnan tocante Ley di Reino ta trece dilanti preocupacion y propuesta pa futuro financiero

E topico di Ley di Reino ta uno cu ta keda di suma importancia tanto pa gobierno, parlamento y comunidad. Manera ya ta conoci Hulanda ta haciendo consulta riba internet relaciona cu e Ley di Reino y tur persona por reacciona riba dje. Te na e momento, tin un total di seis reaccion y un di nan ta di ex-parlamentario Miguel Mansur.

Den su reaccion Mansur ta splica cu contrario na e Ley di Reino, e ordenansa nacional cu ta compaña esaki no ta inclui sancionnan pa falta di duna informacion. El a cuestiona dicon y con ta posibel cu datonan riba e sector colectivo no ta disponibel for di comienso.

El a sigui splica cu e proyectonan PPP ta existi pa mas di dies aña caba, y CAft a propone repetidamente pa inclui esakinan den e cuentanan nacional. El a indica cu ningun gobierno di Aruba a evalua e condicionnan, y a cuestiona si esaki ta un intento pa schuif responsabilidad pa e proximo gobierno y Minister di Finanzas, ya cu inclusion como debe y recalibracion di e normanan lo sucede solamente tres aña despues cu e Ley di Reino aki drenta na vigor.

Mansur a señala cu mescos ta conta pa otro partinan di e sector colectivo, manera AZV (Algemene Gezondheidsverzekering) y SVb (Banco di Seguro Social). El a remarca cu un biaha mas ta dificil pa djis kere cu dato no ta existi pa asina e tamaño di e sector colectivo por ser inclui for di comienso.

El a remarca cu Aruba ta luchando cu dobel embehechamento di e poblacion, y CAft a indica cu lo mester 600 miyon florin adicional anual-



mente dentro di dies aña pa mantene e nivel di beneficio actual. El a enfatisa cu enfoca solamente riba e gobierno central ta move e peso pa e siguiente gobierno unabes cu henter e sector publico ta inclui, loke ta bay contra di e spirito di supervision.

Mansur a splica cu pa motibo di dinamica politico, Parlamento di Aruba no a logra percura pa finanzas publico sano. El a señala cu presupuesto no a ser entrega na tempo pa 15 aña consecutivo, y e ultimo cuentanan anual aproba ta data di 2019. “P’esey, e pregunta ta surgi si ta sabi pa duna nan supervision riba inversionnan publico sin norma. Como cu entrada di interes por ser usa pa inversionnan, lo no ta mas sabi pa inclui normanan manera e multiplicador fiscal, posiblemente evalua pa CAft y despues Camara di Presupuesto,” el a cuestiona.

Por ultimo Mansur a puntra pakico Hulanda solamente ta dispuesto pa refinancia un parti di Aruba su debe den exterior si prestamonan domestico generalmente tin interesnan mas halto, pues lo no tin mas sentido pa refinancia e fiansan ey prome. Alabes el a puntra si siendo cu no tin consecuencianan negativo pa Reino, pakico Hulanda no ta refinancia tur debe y ofrece e mesun facilidadnan cu Curaçao y Sint Maarten.

Otro reaccion riba e Ley di Reino ta bin di e persona S.A. Dumfries di Aruba. Den e reaccion aki e persona ta indica cu e Ley di Reino HOFA ta pone enfasis riba disciplina presupuestario, cu e saldo primario y e ratio di debe como su fundeshi (Articulo 3), complementa pa mecanismonan manera e seccion di

convergencia y e reservanan di riesgo (Articulo 4). Asina, Dumfries a indica, por promove estabilidad y confiansa, pero alabes el a remarca cu ta crucial cu e cuadro aki ta bira mas cu supervision externo y en cambio ta desaroya den un palanca pa Aruba su autonomia sostenibel.

Dumfries a sigui splica den su reaccion cu Aruba a haci pasonan den transparencia e ultimo añanan, manera inclusion di seccionnan di riesgo den presupuestonan. Sinembargo, el a agrega, esakinan ta keda descriptivo y ta varia den profundidad.

Alabes el a indica cu pa un economia chikito y habri, vulnerabel pa fluctuacionnan di turismo, riesgonan di clima y tasan di interes internacional, un Declaracion di Riesgo Fiscal structural ta esencial. El a remarca cu door di inclui e exigencia pa un analisis di riesgo anual den articulo 11, e practica Arubano ta ser hancra y fortifica.

Dumfries a splica cu articulo 5 tambe por ser desaroya mas aleu. El a subraya cu banda di orden y responsabilisacion, Aruba merece un Seccion di Reforma obligatorio: un splicacion anual di cumplimiento di impuesto, diversificacion economico, y e evaluacion di inversionnan publico a base di balor social. Esaki, el a señala, ta duna e presupuesto un perspectiva cualitativo cu ta demostra con reformanan ta contribui na sostenibilidad financiero.

El a sigui splica cu acceso na facilidadnan di fianza Hulandes (articulonan 10, 39, y 40) ta un bentaha, pero resiliencia di berdad tambe ta rekeri su propio buffernan. El a enfatisa cu pa e motibo

ey, e Ley di Reino mester permiti un Fondo di Stabilisacion y Resiliencia, financia pa impuestonan di turismo y dividendonan di gobierno cu ta crea reservanan contra shocknan externo y ta forma un fundeshi pa inversionnan den resiliencia.

Pa loke ta e “sunset clause”, Dumfries a indica cu esaki por ser haci mas concreto a traves di un Plan di Transicion obligatorio cu logronan: e establecimiento di un organo nacional di supervision, implementacion di norman internacional, y mehora-cionnan cu por ser midi den entradanan di impuesto. Esaki ta haci e caminda pa privatisacion visibel y predecible.

Por ultimo, el a indica cu e evaluacion tambe merece di ser fortifica: no solamente cada cinco aña, pero anualmente y independientemente, pa asina Estadonan y sociedad tin bista continuo riba progreso. “Door di enriquece e Ley di Reino cu analisisnan di riesgo, un seccion di reforma, un fondo di stabilisacion, un plan di transicion, y revision anual, e ta bira un trampolin pa finanzas sostenibel, renobacion economico, y un Aruba autonomo mas fuerte dentro di Reino,” el a finalisa.

Otro reaccion roba e Ley di Reino a bin di un ciudadano cu a scoge pa keda anonimo. E persona aki ta trece dilanti cu e proposicion di Ley di Reino aki ta huridicamente y cuidadosamente hinca den e Carta y ta internacionalmente hustifica pa medio di IMF, pero su factibilidad practico y e balansa entre interesnan di Reino y autonomia di Aruba lo ta crucial.

Segun e persona aki e fac-

ilidad di prestamo ta brinda Aruba un “wortel” cla, pero e “palo” di mecanismonan correctivo y indicacionnan potencial ta keda firmemente na su luga. El a enfatisa cu exito lo depende primordialmente di e boluntad politico y e rapidéz cu cual Aruba realmente ta fortifica su maneho financiero.

Otro ciudadano, cu tambe a scoge pa keda anonimo den su reaccion, a trece dilanti diferente pregunta relacion cu e Ley di Reino nobo. E ciudadano a puntra dicon no a inclui e protocol di 1993, conclui entre e gobiernonan di Aruba y Hulanda na momento di eliminacion di e fecha di independencia for di e Statuut, den e memorandum di splicacion di e Ley di Reino. El a indica cu e protocol aki no a ser desaroya completamente ainda y tambe ta contene normanan financiero.

E persona aki ta puntra tambe dicon no a inclui articulo 52 di e Statuut como base pa e Ley di Reino di Consenso aki mirando cu den e caso aki, e co-legislador Arubano a otorga gobierno di Reino e autoridad pa establece e cuadro di supervision y normanan financiero door di Ley di Reino di Consenso, cu su ehecucion den un regulacion nacional.

E ciudadano aki ta indica cu e proposito di e Ley di Reino aki ta multianual, mientras cu Aruba, limita den tamaño fisico, ta confronta vulnerabilidadnan economico, y tambe mester nabega den un ambiente geopolitico volatil, locual ta limita severamente e habilidad pa cumpli estructuralmente cu e normanan pa aplica e “sunset clause”. El a puntra si Aruba por ser stroba repetidamente door di factornan geopolitico y global fuera di su control, con e riesgo aki ta ser maneha door di gobierno di Reino.

Por ultimo e ciudadano aki a puntra kico ta e maneho di Reino pa loke ta trata finanzas publico sostenibel. El a cuestiona si creando buffernan financiero pa fia fondonan adicional temporalmente ora ta necesario, ta ser sigui pa medidanan di austeridad ya cu Hulanda, como parti di Reino, a aplica e maneho aki durante e pandemia di COVID-19.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Sostenibilidad financiero no ta... *Garantiza sostenibilidad general...*

Supervision financiero di Reino riba nos gobernacion ta keda atrae atencion y esey ta logico, cu e debate tocante e propuesta aki iniciando. Sin embargo, aki nos no ta bay tras di tur detaye di e debate ey, pero ta trata otro aspecto di e asunto, cu no ta haya tanto atencion. Esey no mester keda asina, pasobra tin un motibo pakico e propuesta pa ley di Reino nobo a haya e nomber 'HOFA' (Houdbare Overheidsfinancien Aruba): Finanzas Publico Sostenible. E nomber ta bisa loke ta e intencion cu e ley aki: crea e fundamento pa finanzas gubernamental cu ta sostenible. Esey obviamente ta un bon punto di salida y un promer analisis lo mester ta pa mira si loke e ley aki ta pretende di regla, ta suficiente pa logra e meta aki. Pero, control financiero ta garantiza un gobernacion sostenible den tur sentido?

Nos por pronostica awor caba cu esey no lo bay ta e caso, y no ta bisa esey pa kita merito di e trabao huridico haci. A primera vista loke ta presenta den sentido di control financiero ta muestra solido; e instrumentonan pa guia y preveni desvio den direccion di mal administracion financiero ta presente. Nos por discuti riba cierto detaye o aspecto cu nos lo kier mira diferente, pero esey probablemente no ta un punto asina clave anto. Nos por menciona un punto asina: e intencion di institui un 'Begrotingskamer'. Den e documento presenta ta describi esaki como un seccion separa di Raad van Advies (RvA), cu ta e organo constitucional asesor gubernamental pa tur legislacion, incluyendo presupuesto y cambio den esey. Nos por imagina cu despues di amplio consulta huridico, a yega na e propuesta actual, cu no ta encera e creacion di un camara presupuestario como entidad separa, como asesor di gobierno. Sin embargo, lo tin partido politico y persona individual cu ta di opinion cu un camara presupuestario como entidad constitucional, lo yuda pa mantene gobierno riba e rumbo financiero corecto. Aki aparentemente un bon dosis di 'wishful thinking' no ta ausente, ya cu un cuerpo asesor mas, cu un practica di casi 40 aña di explicitamente ignora e consehonan di e actual consehero constitucional, no ta parce un bon inicio pa impone control financiero riba gobierno. Y nos no ta mira con e partidonan politico ta bay otorga facultad considerable na un organo asina, pa di berdad interveni ora gobierno ta desvia di un manera cu ta menaza un finanzas sostenible, anto cu e obligacion legal di sigui instruccion di tal organismo pa coregi e desviacion financiero indesea. Nos por supone cu en berdad a considera tur esaki y a yega na e conclusion cu lo por trata solamente

di un organismo consehero, nada mas. Tur esaki pa un motibo mas: den Reino no ta existi e tipo di organismo cu poder mas aya di ta consehero. E diferencia den practica no ta den e poder legal, sino den e poder di convence, a base di argumento sano y experto, y e disposicion di banda gubernamental di realmente haci caso di e consehonan. Nos por conclui cu aki ta unda nos tin un caminda basta largo pa bay ainda, pa nos por yega na un situacion unda bon conseho no ta keda mas tanto ignora.

Pero, tin un otro asunto fundamental cu no ta keda trata den e dianan aki. Esey ta e hecho cu e control financiero, pa bon cu e ta formula den ley, no por resolve e problema di escogencia robez, haci dentro di e limite financiero, pero malo pasobra e medida tuma no ta conduci na sostenibilidad gubernamental den sentido general. Pa ilustra esaki cu un ehemplo di bida real; den un di e ruedanan di prensa di CAft, a toca e tema cu e supervision ta contempla e cifranan y ta preveni gasto excesivo, pero no ta atende e critica na kico gobierno – di e momento ey – tabata gasta e placa. E contesta di e presidente di e colegio tabata corto y firme: "Klopt, wij kijken gewoon naar de cijfertjes onder de streep." Awor, nos por discuti si e papel di un asesor financiero ta solamente tocante e cifranan y no na kico a gasta placa, pero berdad e debate tocante na kico ta gasta presupuesto ta na promer lugar un debate politico, cu mester tuma na e lugar corecto pa esey. Por ehemplo: si un ministro ta haya bon pa cumpra un auto pa su mes cu ta costa mes hopi cu tres otro pa e empleadonan por haci nan trabao, cu no ta cumpra pasobra a yega e limite financiero, esey no ta tarea primordial di e supervisor financiero, aunke lo por expresa esey den un conversacion confidencial

Pero, pasando awor pa e nivel general, kico ta faltando awor? Mas atencion pa e reforma gubernamental general, pa cual tambe tin acuerdo cu Hulanda pa su implementacion: e Landspakket. Por constata cu esaki no ta genera tanto pregunta, mas tanto e trabao ta tuma lugar den silencio, loke por muestra comodo pa esun cu ta goberna, pero e no ta un proyecto pa nan so; e ta loke den futuro lo mester garantiza bon gobernacion, den sentido tambe di servicio optimal na e ciudadano. Y asina e ta responsabilidad di tur politico, di oposicion y pro gobierno. Nos ta scucha e kehonan di parlamentario cu nan no ta haya nan preguntanan contesta. Esey ta un enfermedad cronico caba, mientras nan mester haci hopi mas pregunta, tocante un sinfin di asunto. Y finalmente tarea tambe di prensa pa muestra mas interes pa e proyecto grandi aki.

Fraccion AVP:

Esaki ta e proceso di Rijkswet splica stap pa stap

Despues cu pa añanan largo, gobierno di signatura MEP a negocia e mayoria di su contenido, a alarga e proceso mas y acorda e condicionnan pa despues hala atras, awo ta purba di cambia storia y haci comosifuera nan no tin nada di haber cu loke ya tin poni y firma riba papel.

Contrario na oposicion cu ta hiba un campaña populista awor cu no ta den gobierno mas y ta pone e nos estabilidad financiero y relacion cu Hulanda den wega pa asina tin algo di culpa coalicion, AVP ta opta pa sigui e proceso cu claridad, transparencia y pa informa pueblo den manera cronologico riba con e paso aki ta wordo tuma.

E procedura pa un Rijkswet ta uno formal, structura y carga di importancia pa tur pais den Reino. Aruba, como miembro den Reino Hulandes, ta participa den cada fase di esey.

Comienso na man di MEP

Na inicio, durante e periodo di Gabinete Wever-Croes, a prepara un nota oficial pa trata e materia di Rijkswet. Esey ta sosode a base di un schema oficial cu Reino mes



a publica, cu ta delinea stap pa stap con ta desaroya un Rijkswet. Palabracionnan den IPKO di 2022 ta riba COHO y tabata conta pa tur isla den reino. Awor tur isla tin un tipo di supervision of Rijkswet y Aruba awor ta explorando e posibilidad di HOFA (Houdbare overheidsfinancien Aruba).

Pa motibo cu e ta un ley di consenso bilateral, Aruba y Hulanda mester ta riba un liña cu e concepto inicial prome cu e concepto aki bira publico pa encamina e proceso. Si a par'e prome cu a wak e concepto nos no lo tabata sa kico e ta encera. E documento inicial ta wordo manda pa instancia importante manera Raad van State di Reino, pa un evaluacion

legal y constitucional; y tambe pa Parlamento di Aruba pa un prome ronda di discusion. Den e tempo aya, a wordo poni base pa debate, pero e proceso no a logra completa durante e periodo di e anterior gabinete.

Dia 30 di januari e tempo ey Premier Wever-Croes como premier demisionario durante un encuentro publico a puntra Parlamento si e ta sigui negocia of no y a opta pa continua cu e proceso.

Continuacion bao di AVP/FUTURO

Ora Gabinete AVP-FUTURO a asumi gobernacion, a sigui cu e mesun trayecto y te hasta cu e mesun expertonan cu e gobierno anterior.

Pueblo mester sa cu un Rijkswet no ta un ley local; e ta un ley di Reino cu ta mara Hulanda y Aruba legalmente y p'esey ambos parlamento tin su rol. Esey ta muestra con importante ta pa Aruba sigui den e proceso. Aruba conoce diferente Rijkswet caba, pero awo ta bay regarda e aspecto di nos finanzas publico.

E fase actual a inclui entrega di documentacion oficial den Parlamento di Aruba, cu ta haci posibel cu por trata e tema despues den reunionnan publico. Gobierno a opta pa entrega Parlamento e concepto inicial hunto cu e publicacion na Hulanda pa consulta via internet, pa cual coalicion a pidi pa duna tempo pa por haci un evaluacion interno y bin bek cu un compromendementu solido y preguntanan necesario pa gobierno.

Despues ta bin e consehonan y cambianan cu gobierno mester haci y mester pidi mandato di Parlamento si e ta bay door pa mand'e tratamiento den Parlamento Hulandes den Tweede Kamer – cu Aruba presente y alerta riba punto cu ta referi na nos autonomia. Mientras cu e ratificacion final den Parlamento di Aruba tambe mester pasa pa asina e Rijkswet por bira un ley valido.

Rol di Fraccion AVP

Fraccion di AVP ta sigui tur paso cu seriedad y firmeza. Nos ta keda alerta pa evita cu Aruba perde di bista su derecho y su posicion den Reino. Nos insistencia ta pa un proceso habri, transparente y comprendibel pa pueblo, stap pa stap, pa tur ciudadano por sigui e desaroyo y comprende ta con un ley di Reino ta wordo trata.

E proceso di un Rijkswet ta algo largo y complica. Pero nos mester corda: el a cuminsa bao di Gabinete Wever-Croes, y manera nan mes a bisa, nan a lag'e 90% cla. Awo ta sigui y si e ta finalisa bao di Gabinete AVP-FUTURO. Esaki ta continuacion di gobernacion y ta prueba cu ta tuma esaki cu e seriedad y integridad necesario pa e interes nacional.

AVP ta reafirma su compromiso di sigui representa e pueblo Arubano cu claridad y responsabilidad, pa cada stap den e proceso ta documenta y comparti. Transparencia y defensa di nos pais ta e central di nos trabao den parlamento.

Nota di redaccion: E articulo aki ta opinion di e autor y no ta representa opinion di Bon Dia Aruba.

Gobierno di Aruba a firma MOU pa desaroyo economico sostenibel

Diabierna atardi, Prome Minister mr. Mike Eman hunto cu Minister di Turismo mr. Wendrick Cicilia, a reuni cu representantenan di Aruba Hotel and Tourism Association (AHATA), Vacation Rental Professionals of Aruba (VPRA), Aruba Association of Realtors, Aruba Port Authority (APA), Aruba Airport Authority (AAA), y Aruba Tourism Authority (ATA).

Reconociendo e papel central cu turismo tin den desaroyo economico y social di Aruba y mirando e retonan cu nos isla ta enfrentando riba nivel ambiental, social, infrastructural y economico, Gobierno di Aruba ta haya prudente pa bin cu accion pa cambia e manera di procede. E encuentro cu e stakeholdernan a culmina cu firmamento di un MOU den cual ta haci e compromiso pa busca forma pa haci e cambianan necesari



rio pa un economia mas sostenibel.

Cu e compromiso mutuo pa e bon comun, sostenibilidad y bienestar di pueblo Arubano, Gobierno di Aruba y

e stakeholdernan presente, a acorda pa establece un compromiso comparti pa participa den un proceso structura di dialogo y colaboracion, cu e obhetivo pa desaroya maneho, acuerdo y iniciativa con-

hunto pa sigura un caminda mas sostenibel pa futuro di turismo na Aruba.

Esnan cu a firma e MOU ta Prome Minister Eman, Sra. Tisa LaSorte Henriquez di

AHATA, Sr. Alex Cybul di VPRA, Sra. Ronella Croes di ATA, Sr. Jurgen Benschop di Triple A y Sr. Bruce Franken di APA y Sra. Cindy Ruittemanz di Association of Aruba Realtors

AWA

MINI MEGA

MEGA PLUS

Awo cu 2 florin mas, bo por gana e

* Afl. **350.000,-**

* Afl. 250.000,- + Afl. 100.000,-
extra

Benta ta sera 7:30 pm y sorteo ta hunga 7:45 pm

MEGA PLUS

HUNGA AWO

lotto

Groningen tin meta di cubri un tercer parti di e ciudad cu mata den plan di 50 aña

(NLTimes) - E municipio di Groningen a anuncia plan di dramaticamente aumenta cobertura di mata den e ciudad durante e siguiente 50 aña, cu e meta di 30% di espacio nan publico ser cubri pa matanan. Actualmente, solamente 12.5% di e areanan ta cubri, oficialnan a bisa.

“Mata y naturalesa tin un valor inmenso y ta increíblemente importante pa mantene nos ciudad resiliente, sa-



ludable y a prueba di e futuro,” Mirjam Wijnja, consejal di GroenLinks pa medio am-

biente a conta RTV Noord.

E ciudad aparentemente tin

plan di integra standard pa mata nobo den e diseño nobo di e cayanan y proyectonan di vivienda nobo. “Ningun otro caminda na Hulanda naturalesa ta asina legalmente proteha,” Wijnja a conta RTV Noord. Wijnja tambe a nota cu otro areanan, manera Driebondsbos na Eemskanaal, te ainda ta protehi.

Rik van Niejenhuis, e consejal pa plan di espacio a bisa “nos kier construi un ciudad compacto cu edificionan halto. Di otro manera, nos

lo mester pone vivienda desesperadamente necesario na rand di e ciudad, riba lomba di e areanan berde existente.” El a agrega, “cambia e plan nan awo lo costa demasiado tempo y placa. Como administrador, nos tin cu haci e sacrificionan aki. Tin biaha bo ta gana y tin biaha bo ta perde.”

“Mi tabata curioso con lo ricibi esaki. Ningun caminda na Hulanda naturalesa ta asina proteha e manera cu nos lo haci na Groningen,” Wijnja a conta RTV Noord.

Mal calidad di aire ta afecta mas di 1.2 miyon persona cu problema di pulmon

(NLTimes) - Mas di 1.2 miyon persona cu condicionnan di pulmon na Hulanda ta afecta pa mal calidad di aire, mas tanto causa pa stoof di palo den cas, barbecue y fogata, Longfonds a bisa. Trafico y industria no ta e contribuidornan principal mas.

Medidanan recién di RIVM ta demostra cu ningun municipio ta cumpli cu World Health Organization (Organisacion Mundial di Salud) su limite PM2.5 di 5 microgram pa cada meter cuadra. Aire ta mas limpi den parti nort di Hulanda y Zeeland, cu Vlieland den posicion

lider mientras cu Den Bosch, Utrecht y Eindhoven tabatin e pio rango.

“Nos aire ta birando mas limpi, pero e ta sigui tiki saludable,” Karoly Illy, director di Longfonds a conta AD. “1 den cada 4 persona regularmente ta experiencia problema causa pa humo di palo. Pa esnan cu malesa den nan pulmon, e por causa atake di asthma, aumento den uso di medicamento y algun biaha nan ta caba den sala di emergencia.”

Awe, hogarnan ta emiti 5.7 miyon kilo for di entre otro, stoof di palo, superando trafico y industria combina.

Mientras cu emision for di SULFUR DIOXIDE, NITROGEN OXIDE Y AMMONIA a reduci drasticamente, particularnan chikito ta keda un preocupacion grandi. E particularnan fini aki for di e humo por penetra profundamente den e pulmon y por causa problemanan vascular y di curason durante tempo.

Residentenan por revisa e calidad di aire pa ora riba Gezonde Lucht Check su website, cual ta ofrece conseho basa riba data di RIVM.

“Hende no tin e intencion di stroba bisiña cu humo



di palo,” Illy a conta AD. “Sinembargo e particularnan cu nan ta crea tin efecto real. Mi no haciendo yamado pa un prohibicion completo, pero evita kima palo ora cu no tin biento.”

Solamente un tercer parti di e municipionan a firma e acuerdo di aire limpi, cual tin meta di mehora calidad

di aire y logra un 50% di mejoracion di salud pa 2030. Illy a critica su naturalesa boluntario pero a elogia cu e ciudadnan ta tumando medidanan, incluyendo Amsterdam su prohibicion riba ekipo di construccion cu fossiel y Amersfoort su restriccion riba kimamento di palo, bao di condicionnan cu tiki biento.



(NLTimes) - UMCG (centro medico universitario di Groningen) a stop operacion pa defectonan

den curason despues cu 2 empleado a bati alarma tocante bienestar social y calidad di cuido.

UMCG ta para operacion pa defecto den curason despues cu empleadonan a entrega

“Nos ta tuma e señalnan aki serio y nos lo investiga nan di manera cauteloso y independiente,” presidente di directiva Ate van der Zee a conta NOS. Van der Zee a nenga detaya e kehonan, bisando solamente, “e ta concerni un cultura den un departamento, con hende ta inclui den decisionnan y cosnan asina.”

“Operacionnan sumamente complejo mester tuma luga

bao di e miho circunstancianan posible. Na e momentonan aki, e circunstancianan aki no ta presente,” van der Zee a conta NOS.


E pausa aki ta nifica cu e pashentnan mester bay Utrecht, Leiden, Amsterdam of Rotterdam. Cuido di emergencia, tratamiento di pashentnan y operacionnan di curason di rutina ta sigui pa pashentnan adulto.

Segun NOS, un di 4 ciruhano pediátrico recientemente a bay for di e hospital, aunke e motibo no ta cla te ainda. Un reemplazo a ser haya caba.

UMCG ta haci alrededor di 50 operacion di e tipo aki cada kwartal y tin speranza di bolbe cuminsa no mas tardar cu dia 1 di januari den 2026. Van der Zee a yama e decision aki uno “doloroso y complica.”

Atakenan cibernetico den aumento na Corsou: VBC ta haci yamado pa accion unifica

(CuraçaoChronicle) - E cantidad di atake cibernetico atacando Corsou ta den aumento, promoviendo yamado urgente pa un respuesta uni for di negoshinan, institucionnan gubernamental y e sector di educacion. Esaki a keda anuncia pa Vereniging Bedrijfsleven Curaçao (VBC) den un comunicado di prensa.



Segun VBC, desaroyonan digital rapido manera tecnologia 'cloud' y pagonan online por trece riesgonan significant. Empresanan chikito y mediano (SMEs) ta specialmente vulnerable, e organisacion ta adverti, a causa di recursonan limita y un falta di experticio den seguridad cibernetico. E asociacion ta urgi stakeholdernan traha hunto pa medio di ofrece programanan di

training, mehora e intercambio di informacion y desaroya un plan di crisis nacional pa prepara pa incidentenan cibernetico di escala grandi.

A pesar di riesgonan creciente, VBC tambe ta enfatisa oportunidadnan. Pa medio di inverti den seguridad cibernetico awo, Corsou por posiciona su mes como un punto safe y confiable pa e region, e asociacion a enfatisa.

Islanan BES ta busca sosten di Curaçao, Aruba y Sint Maarten pa trato igual den Reino

(CuraçaoChronicle) - Representantenan di e consejo di Bonaire, Sint Eustatius y Saba ta bishitando parlamentonan di Corsou, Aruba y Sint Maarten e siman aki pa reuni sosten pa un trato igual y un bos mas fuerte den e Reino Hulandes.

E decision aki ta bini den respuesta na un revision di e proposicion di ley WolBES, cual ta asigna un Rijksvertegenwoordiger, e rol di "vigilante pa bon gobernacion." E islanan BES ta argumenta cu e funcion aki ta debilita autonomia local y ta stroba nan habilidad di por actua di manera independiente. Nan

tin hopi tempo ta pidi e abolicion di e posicion aki.

Den un declaracion, Bonaire Island Council a expresa frustracion cu a laga nan un banda den e proceso di consulta. "Aunke e proposicion ta habri pa opinion publico, e bos di e islanan ta opaca pa e mayoria den Hulanda Europeo, unda hopi biaha tin tiki comprension di nos circunstancianan unico," e consejo e bisa.

E delegacion su mision ta di gana sosten moral for di otro paisnan Caribense dentro di e Reino y pa presenta union na Den Haag. "E ta tocante nos, pero sin nos. Esaki no por y no mester pasa. Nos

ta haci yamado na e pueblo di Boneiro y nos partnernan den Reino para hunto pa un posicion balansa y husto pa tur 6 isla," e declaracion a continua.

E delegacion di BES ta inclui 5 miembro di Bonerio su consejo di e isla - Désirée Coffie, Rolanda Hellburg-Makaai, Daniel Crestian, Cyril Vrolijk and Benito Dirksz - conhuntamente cu Anthony Weber, Boneiro su comisario pa asuntunan constitucional y Clyde van Putten di Sint Eustatius su consejo di e isla. Saba su consejo di e isla a opta pa no biaha sinembargo lo participa di manera digital den e reunionnan cu e



parlamentonan.

Pa medio di directamente apela na Corsou, Aruba y Sint Maarten e islanan BES tin

speransa di por fortalece nan posicion den e debate andando tocante bon gobernacion y igualdad dentro di e Reino.

Hulanda:

Mucha y hende muhe den shelter abruma pa refugiadonan di Ucrania ta sinti insigur

(NLTimes) - Mucha y hende muhe di Ucrania ta victima regular di violencia sexual den shelter na Hulanda, segun Opora, un organisacion cu ta investiga e posicion di Ucrani-ano na Hulanda.

Den lunanan recien, Opora a ricibi 30 reportahe di violencia of violencia sexual contra muhenan di Ucrania, y otro 9 reportahe den cual mucha ta-

bata e victima den e crimenan aki, Telegraaf a reporta.

E reportahenan aki ta involu- cra crimen serio, cu un rango di agresion te violacion. E sospechosonan ta inclui pareha of ex pareha, otro residen- tenan di e shelter, emplead- onan y bishitantenan. "Loke mas ta preocupa' mi ta cu esaki probablemente ta djis loke nos ta mira; cosnan malo ta sucede cu hopi mas frecuen-

cia," Maria Shaidrova a bisa e corant.

Aña pasa, un muhe di Ucraina a publica un yamado pa ayudo riba TikTok despues cu el a ser viola den su camber na un shelter. "Mi mester un abogado. Mi ta sigur cu tin mas caso manera esaki den e shelter, pero hende tin miedo di papia of reporta nan," el a declara.

Comienso di zomer aki, polis a ehecuta un entrada hudicial na Maassluis y a haya 3 mucha di Ucrania cu ta manipula pa haci trabao sexual. Dos hende homber di Rotterdam a ser gara y acusa cu trafico humano. E muchanan ta biba na Mrija, un shelter grandi na Vlaardingen.

Parti di e problema aki ta conyen e shelternan aki ta. Segun e asociacion di municipi- anan

Hulandes VNG, casi 100,000 Ucrani-ano ta bibando den shelternan opera pa municipi- onan, mientras cu 300 Ucrani-ano ta yega Hulanda cada siman.

E residentenan ta casi tur hende muhe y muchanan, ademas di un cantidad chikito di hende homber. "Ora cu bo uni tanto hende asina, incluyendo esnan cu trauma, consideracion cauteloso ta necesario pa proteha esnan mas vulnerable," Shaidrova a bisa e corant. "Nos ta ripara cu victimanan semper ta duda reporta nan experien- cianan of no sa unda pa bay. Mientras cu Hulanda realmente tin un bon sistema di cuida pa hende muhe, incluyendo centronan pa violencia sexual."

Shaidrova ta pensa cu cambio chikito por haci un diferencia

grandi den e shelternan aki. E ta sugeri guianan di sosten na tur localidad y un fin na baño comparti. Traductornan pa kibra e barera di idioma tambe por yuda. "Ciertamente no ta ideal pa mester splica experiencianan no placentero na un proveedor di cuida via Google Translate."

VNG ta considerando mane- ra pa alivia e presion riba e shelternan. E asociacion pa municipi- onan a pidi gobi- erno investiga si e por aplica condicionnan mas estricto na ken tin derecho di bay e shelter. Actualmente, tur Ucrani-ano tin e derecho di bay shelter na Hulanda. E municipi- onan ta puntra si por exclui esnan cu "rason- ablemente por provee pa nan mes." Minister demisionario Mona Keijzer di Migracion ta explorando e posibilidadnan.



Cantidad di keho pa crimen sexual a aumenta cu 60% den cinco aña

(NLTimes) - Den prome seis luna di e aña aki, polis a ricibi 17% mas keho di crimen sexual compara cu e mesun periodo di aña pasa. E cantidad di keho pa ofensanan sexual a sube na casi ocho mil. E cantidad di acusacionnan cu ta resulta di e tipo di informenan ey a aumenta cu 22%, segun e cifranan mas recien cu polis a suministra na ANP. Entre januari y juli, mas cu dos mil acusacion a ser entrega, compara cu 1.675 den e mesun periodo di aña pasa.

No ta cla si delitonan sexual realmente ta sucede cu mas frecuencia of si mas hende ta dispuesto pa raporta nan, segun Lidewijde van Lier, un especialista di crimen sexual na polis. “Nos sa solamente

cuanto hende ta raporta na nos, no cuanto hende ta bira victima di un ofensa sexual.” Segun Van Lier, hende ta parece mas dispuesto pa busca ayudo y tuma contacto cu polis. Esaki por ta e resultado di “aumento di atencion na e tema y e debate publico cu a surgi tocante esaki.”

E introduccion di e Ley di

Ofensanan Sexual, ademas di e aumento di atencion cu ta ser duna na e asunto, tambe por ta un causa di e aumento di keho. Van Lier: “Desde 1 di juli 2024, castigo penal a aumenta, especificamente ora tin señalnan cla cu un hende no tabata kier sex, pero e otro persona ta persisti. Coercion no ta un requisito mas pa castigo penal.” Despues di

e introduccion di e ley, polis mesora a mira un aumento significativo den e cantidad di melding y kehonan. “Esey ta parce di ta sigui e aña aki.”

Esaki ta aumenta e “presion halto caba” riba e unidadnan di crimen sexual di polis. “Oficialnan policial den e squadnan ta experiencia e presion ey diariamente,” Van Lier a bisa. No obstante, e ta considera positivo cu mas hende ta meld na polis. “Especialmente despues di introduccion di e ley nobo, mas crimen ta castigabel, y pues nos por duna miho asistencia.”

Pa loke ta trata e “ofensanan sexual recien y serio den nos pais,” Van Lier a bisa cu den mayoria caso, e victima y esun cu comete e crimen ta

conoce otro. “Incidentenan caminda e victima y e esun cu comete e crimen ta completamente desconoci y un hende ta ser ataca diripiente ta esnan menos comun.”

Den e di dos mitar di aña pasa, polis a ricibi mas o menos e mesun cantidad di melding y acusacionnan cu den e seis lunanan anterior. Den e di dos mitar di 2023, tabatin alrededor di siete mil melding, y 1.700 acusacion presenta. E prome mitar di 2022 a mira un maximo despues di dos aña di COVID-19, cu alrededor di 8.200 melding y 1.900 acusacion presenta. Segun polis, e aumento ey a ser causa principalmente pa e scandal di crimen sexual riba The Voice of Holland.



Homber deteni pa stroba alcalde di Utrecht Dijksema di drenta reunion di Consejo



(NLTimes) - Un homber di 36 aña di Nieuwegein a keda aresta siman pasa riba sospecho di a stroba alcalde di Utrecht, Sharon Dijksema, di drenta un reunion di consejo di ciudad na juli, polis a informa.

E incidente a sucede dia 17 di juli, ora cu manifestantenan pro-Palestina a stroba e sesion di consejo, cu despues a keda suspendi. Segun AD, despues di un discusion cu manifestantenan, Dijksema a purba di bolbe drenta e camber, pero a ser blokia na porta. “Tabatin un bringamento na porta, y mi tabata net memey di dje,” Dijksema a bisa e tempo ey.

Autoridadnan ta bisa cu e persona ta sospecha di a usa forza of menasa pa stroba e

alcalde di reanuda e sesion di consejo. El a ser laga den libertad despues di interrogacion y ta programa pa presenta den corte na un fecha despues. Polis a bisa cu no ta descarta detencionnan adicional.

E municipio di Utrecht a entrega un keho despues contra “un man yen” di individuonan involvi den e uso di violencia durante e interrupcion.

E protesta a sigui e rechazo di un mocion cu ta pidi pa un boycott di productonan y institucionnan Israeli. Despues cu e mocion a keda desaprobada, algun asistent a stroba e reunion di consejo. Dijksema a papia cu e manifestantenan, pero e tensionnan a escala. Su vocero a describi e situacion como “intenso y intimidante.”

UNICEF: Hubentud Hulandes ta bisa cu politiconan ta ignora nan bos



(NLTimes) - Mucha y hoben na Hulanda ta bisa cu nan ta sinti nan mes ignora pa gran parti pa politiconan y ta profundamente preocupa pa intimidacion, scarsedad di vivienda y seguridad, tanto den nan barionan como na nivel nacional, segun e Consejo pa Hubentud di UNICEF 2025 cu a sali dialuna durante Jongeren Prinsjesdag, un evento anual cu ta presenta directamente na nan hendenan cu ta traha politica.

E encuesta di mas cu 1.200 hoben di edad 10 pa 18 a haya cu 41% ta mira intimidacion como nan preocupacion social principal, mientras cu 36% ta preocupa pa e falta di

vivienda pagabel y un parti igual tocante seguridad.

Hobennan a balora con serio politiconan ta tuma nan opinionnan na 4.4 di 10, un poco abou for di 4.5 aña pasa, y alrededor di 40% a bisa cu politiconan ta comporta nan mes inapropia, citando argumentonan publico, conducta infantil y priorisa interesnan di adulto.

Hobennan di mas edad a enfatisa cu atencion na intimidacion mester inclui compromendemento di e motibonan di e actornan. Un mucha muhe di 17 aña a bisa, “Kizas nos mester wak tambe di unda e comportacion ta bini. Duna nan un otro salida.” Un otro hoben di 17 aña a remarca su

preocupacionnan tocante e mercado di vivienda: “Mi ta puntra mi mes con mi por paga un cas, y mi ta preocupa caba pa spaar.”

“Muchanan na Hulanda ta 3.3 miyon. Si e maneho kier traha pa nan, nos mester wak nan no solamente como un grupo meta, pero tambe como partnernan di combersacion. Ser scucha ta un derecho di mucha importante y ta haci un diferencia pa un maneho efectivo”, segun Suzanne Laszlo, directora di UNICEF Hulanda. Segun informe, e consejo a ser entrega na Secretario di Estado di VVD, Judith Tielen, den un bus di scol na Prinsjesdag.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Brazil: Lula ta pusha back contra tarifa di Trump



(AP) — **Presidente Brasileño, Luiz Inacio Lula da Silva diadomingo a pusha contra un tarifa di 50 porciento riba produccionan Brasileño importa pa Merca, argumentando cu e tabata "politico" y "ilogico."**

Lula a bisa den un op-ed den New York Times cu su gobierno ta habri pa negocia cualkier cos cu por trece beneficio mutuo. "Pero democracia y soberania di Brazil no ta riba mesa," el a bisa.

Presidente Mericano, Donald Trump a impone e tarifa riba Brazil na juli, citando loke el a yama un "witch hunt" contra ex-presidente Jair Bolsonaro, kende na e momento tabata acusa di purba di keda

na poder ilegalmente.

E huicio a clausura diahuebs despues cu un panel di hues di Corte Supremo a duna veredicto cu Bolsonaro a intenta un golpi di estado despues di su derota electoral contra Lula na 2022, generando tempor pa mas medida di Merca contra Brazil.

Lula a bisa cu e ta orguyoso di Corte Supremo pa su "decision historico" cu ta salvaguardia institucionnan di Brazil, su estado di derecho y no ta un "witch hunt." "[E veredicto] a sigui lunas di investigacion cu a descubri plannan pa asesina ami, e vice-presidente y un hues di Corte Supremo di Husticia," Lula a bisa.

Lula a agrega cu e aumento di tarifa "no solo ta ekiboca sino ilogico," citando e surplus di \$410 biyon den comercio bilateral den bienes y servicio cu Merca acumula durante ultimo 15 aña.

E op-ed ta un señal cu Brazil ta preparando pa mas posible sancion despues di e decision di Corte Supremo.

Despues di e veredicto diahuebs, Secretario di Estado Mericano, Marco Rubio a post riba X cu gobierno di Trump "ta bay responde respectivamente."

Ministerio di Exterior di Brazil a yama comentarionan di Rubio un menasa inapropia cu no lo intimida gobierno, bisando cu e hudiciario di e pais ta independiente y cu Bolsonaro a ricibi proceso debido.

Diadomingo, Bolsonaro a sali brevemente for di su cas na Brasilia unda e ta bao aresto domiciliario pa haci un procedura medico na un hospital cercano, su prome aparicion publico desde e veredicto diahuebs.

Escolta pa polis, Bolsonaro a bay hospital DF Star den capital di Brazil mainta pa proceduran relaciona cu lesion di cuero – un libertad temporal otorga pa hues Alexandre de Moraes dia 8 di september. Despues el a sali di hospital, segun dokternan a bisa den un declaracion. Personal medico a kita ocho lesion di cuero cu ta bay manda pa analisis pa establece un diagnostico definitivo y evalua e

necesidad pa mas tratamiento.

E politico derechista di 70 aña di edad a ser poni den aresto domiciliario comienso di augustus, despues cu De Moraes a bisa cu Bolsonaro a viola medidanan precaucionario imponi riba dje den contexto di e huicio pa golpi di estado. Ya e tabata bistiendo un monitor di enkel.

Fin di augustus, De Moraes a aumenta medidanan di seguridad mas ainda y a duna ordo pa polis haci inspeccion di tur vehiculo saliendo di residencia di Bolsonaro y monitoria exterior di su cas. Despues di e bishita medico, Bolsonaro mester yena un certificado di presencia, indicando e fecha y ora di e cita, na Corte Supremo.

Yiu di Bolsonaro, Carlos a subi rednan social pa keha tocante loke el a considera vigilancia excesivo rond di e bishita di su tata na hospital. "Mi ta cu mi tata presenciando e continuacion di e circo mas grandi den historia di Brazil," el a skirbi riba X. "Un convoy cu mas di 20 homber arma cu rifle... djis pa promove e humiliacion di

un homber honesto."

Sostenedornan feroz di Bolsonaro a warda e ex-presidente ora el a yega hospital diadomingo y a salud'e cu gritonan di "Amnistia awol!" E coro ta den referencia na e intento di aliadonan di Bolsonaro den Congreso pa busca algun sorto di amnistia pa e ex-presidente.

"Nos ta akinan pa duna sosten spiritual y psicologico," segun Deuselis Filho, 46, presidente di un grupo di sostenedor di Bolsonaro yama Influencers di Brazil.

E sentencia di diahuebs ultimo no ta nifica cu Bolsonaro ta bay prison inmediatamente. E panel di corte awo tin hasta 60 dia pa publica e veredicto. Unabes cu hacie, abogadonan di Bolsonaro tin 5 dia pa entrega mocion pa clarificacion.

Su abogadonan a bisa cu nan ta bay purba di apela tanto e condena como e sentencia dilanti tur 11 hues di Corte Supremo, maske algun expertonan ta bisa cu no tin hopi probabilidad cu e apelacion lo keda acepta.

Colombia: Atake di disidencia FARC contra warda di polis ta mata 1, herida 4

(AP) — **Disidentenan di e awo-defunto Forsanan Arma Revolucionario di Colombia (FARC) a ataca un warda di polis den sur occidente di Colombia riba diadomingo, matando un agente di polis y heridando cuatro persona, segun autoridadnan a informa.**

Ehercito a bisa riba plataforma social X cu tropanan a drenta e pueblo di Carmelo, den departamento Cauca, pa restaura orden despues di "accionnan terrorista" cu a parce di ta den respuesta na un operacion di polis contra gruponan criminal den e area.

Operando den e region tin disidentenan di e grupo rebelde notorio, FARC, cu no ta acepta e acuerdo di paz di 2016. FARC pa decadas a bringa contra gobierno, cometiendo asesinato, secuestro y bombardeo pa mina autoridadnan na Bogota.

E disidentenan awo ta bao comando di Nestor Gregorio Vera, conoci como Ivan Mordisco, kende ta un di e individuonan mas busca na a pais. Su fraccionnan a retira di mesa di negociacion pa paz cu gobierno di Gustavo Petro.

Ehercito Colombiano a bisa



cu e gruponan arma a usa resistentenan local como escudo humano pa preveni tropanan di drenta e area pa duna sosten na esfuersonan di polis.

Gobernador di Cauca, Octavio Guzman, a bisa riba X cu el a haci un yamado urgente pa minister di Defensa, Pedro

Sanchez pa pidi pa restauracion di orden publico y proteccion di e poblacion local.

Prensa local a comparti video aparentemente graba pa resistentenan escondiendo for di e tironan di arma di candela. Otro videonan ta muestra un atake contra e warda di polis

cu arma y granat, mientras e oficialnan embosca ta grita pa ayudo.

Al menos tres agente di polis a keda herida den un atake similar den departamento di Cauca fin di augustus.

Potret di El Pais.

Blackout na Cuba ta lanta preocupacion pa salud mental di e poblacion

(CiberCuba) - E blackoutnan prolonga na Cuba no ta djis un problema di coriente mas, sino un crisis di salud publico cu ta afectando miyones di ciudadano den henter e pais.

Cu temperatura cu ta surpasa 35 grado, scarsedad di awa, proliferacion di sangura, y un falta di remedi, e poblacion ta biba den un estado permanente di stress, mientras cu e regimen no ta ofrece solucionnan duradero.

Un informe publica pa e agencia di noticia EFE ta conta e storia di Julia, un pashent di cancer na La Habana, kende a bisa cu ora e coriente a bay den su cas durante e di cinco blackout nacional den menos di un aña, e prome cos cu el a pensa riba dje tabata e frigidaire unda e ta warda e remedinan cu e mester pa sobrevivir.

“Mi tin miedo cu nan lo dañá, mi tin miedo pa e cuminda, e remedinan, y mi mesun bida,” el a bisa e anteriormente. Su testimonio ta refleha e ansiedad y incertidumbre cu ta penetra miles



di casnan Cubano.

Expertonan manera psicologo social Yadira Albet ta adverti cu e incertidumbre constante tocante ki ora e coriente lo ser restaura ta genera ansiedad, stress y hasta depresion cronico.

Sociologo Elaine Acosta ta bay mas leu, bisando cu na Cuba nos por papia caba di un “epidemia di salud mental,” alimenta pa dificultad economico, falta di cuminda, y e inhabilidad pa haya acceso

na cuidu specialisa of remedi psiquiatrico.

“Depresion, rabia, miedo sosteni y desanimacion a bira parti di bida diario,” specialistanan ta adverti, mientras cu e maneho diario di sobrevivencia ta laga un marca cada bes mas profundo, specialmente riba esnan mas vulnerabel.

E blackoutnan a dal muchanan particularmente duro. Testimonionan recoge pa e Programa di Monitor di

Cuminda, un proyecto independiente cu ta documenta inseguridad di cuminda riba e isla, ta muestra muchanan creciendo cu miedo di scuridat, hamber mitar di anochi, y cansancio fisico door di no por drumi den e calor sofocante of proteha nan mes di sangura.


E interrupcion di coriente tambe ta aumenta e riesgo di epidemia. Sin coriente pa pomp awa of usa ekipo repelente, e proliferacion di

sangura ta empeora e incidencia di malesanan manera keintura di dengue y orofaringe, presente caba riba e isla. Agrega na esaki ta e falta di frigidaire adecua pa conserva cuminda, loke ta aumenta e riesgo di venenamento di cuminda y problemanan gastrointestinal.

Pa enfrenta e situacion aki, segun e topiconan cu ta trata den e rapport, e Cubanonan ta mira solamente dos solucion: protesta of migracion. Sinembargo, un gran parti di e poblacion ta falta e habilidad pa expresa nan malcontento publicamente, pega entre represion y un falta di recurso pa bandona e pais.

E blackoutnan na Cuba ta mas cu djis interrupcion di coriente: nan ta un metafora pa un sistema cu a collapse. Cada anochi sin coriente ta muestra con e crisis di energia ta bira un crisis di salud, social y emocional, mientras cu e regimen ta sigui no ofrece solucionnan real. E scuridat cu ta tapa e isla tambe ta revela e precariedad di un pais hinca den desesperacion.

Republica Dominicana: Seis femicidio den dos siman na september *E violencia implacabel*



(DiarioLibre) - Den apenas dos siman na september, por lo menos seis femicidio a ser registra den e pais, cuater di nan a ser cometi pa pareha of ex-pareha.

Dia 3 di september Anaís Mendoza, di 17 aña, yiu muhe di Ysrael Mendoza, a perde su bida den circunstan-

cianan cu su famia ta describi como un acto motiva pa e obsesion di un homber di 50 aña.

Un dia despues, Yenny Echaverría a ser asesina pa su ex pareha, Dioquer Florentino Ogando (El Pinto), di 44 aña, y despues a kita su propio bida door di ingeri un substancia toxico den e dis-

tricto municipal di Hato del Padre, den e provincia di San Juan.

Segun miembronan di famia, Yenny a ser intercepta pa Florentino ora cu e tabata bishita su wela pa trece cuminda p’e. E tata di e victima, Antonio Echavarría, a informa cu e atacante a dal e for di e brommer, a tene esaki paden di su

cas, despues a bati’e, y finalmente a mat’e.

Dia 7 di september, Katherine Frías Aquino, di 20 aña, a ser tira y mata pa su ex-pareha, soldaat di Marina di Republica Dominicana (ARD) Iván Rafael Sosa, den un incidente cu a sucede den e comunidad di Villa Penca, Haina.

Esaki ta ademas di morto di Maite Evangelina Gerónimo De la Cruz, di 16 aña, na man di su ex pareha di 26 aña, kende a sufri multiple herida di hinca.

Dia 11 di september, a pesar di tabatin orden di restriccion y orden di proteccion provisional emiti den añanan anterior, Altagracia Mercedes Feliz Reyes, di 33 aña, a ser asesina pa su ex pareha, Smaylen Peralta Almonte, den e municipio di Guerra,

Santo Domingo Este.

Tambe ta inclui den esaki e morto violento di Valdemira Peña Mateo, un señora di 59 aña di edad, kende a perde su bida y su casa a keda seriamente herida den un atake cu machete na San José de Ocoa.

Como contesta riba e problema social aki, cu ta penetra e sociedad Dominicano, e Ministerio di Interior y Polis a papia tocante un plan pa frena femicidio, hunto cu e Procurador General, pa combati e plaga di femicidio.

Sinembargo, segun Minister Faride Rafal, ainda mester un bista un tiki mas profundo riba e temanan aki pa sigura cu hende muhe no ta ser victimisa of re-victimisa permanentemente, manera hopi bi-aha ta e caso den nos sistema.

Bob Vylan ta nenga celebra Charlie Kirk su asesinato; Show na Tilburg cancela pero no na Nijmegen

(NLTimes) - Bob Vylan a publica un video riba X den cual integrante principal Booby Vylan ta nenga cu el a celebra e morto di e activista derechista Charlie Kirk durante un presentacion na Paradiso na Amsterdam, mientras Telegraaf a reporta cu el a haci esaki.

Polis a ricibi alrededor di 30 reportahe tocante canticonan anti-zionista na Vylan su shownan. E duo di genero punk-rap Britanico su show na 013 Tilburg a keda cancela como resultado di e conmocion rond di e show na amsterdam, sinembargo e show na Doornroosje na Nijmegen lo sigui manera tin planea.

Telegraaf a reporta cu den e show di Paradiso, Bobby Vylan a grita: "F*** e fascic-



stanan, f*** e Zionistanan. Haya nan riba caya." El a agrega cu nan no ta anti-semitista sino anti-Zionista. Segun Telegraaf, Bob Vylan tambe a celebra e asesinato di

Charlie Kirk na Merca siman pasa.

Den e video publica riba X, Bobby Vylan no a atende e canticonan anti-Zionista, pero si a nenga cu el a celebra Kirk su morto. "Na ningun punto nos a celebra Charlie Kirk su morto. Mi a yam'e un palabra ofensivo. Esey si ta berdad. Pero na ningun punto a celebra su morto."

Segun Bobby Vylan, un reportero a bay e show cu e unico proposito di haya algo pa reporta. "Y despues cu mi a yam'e e palabranan ofensivo y nos a toca un cantica, nan a skirbi esey como un celebracion. No un celebracion, no ta un celebracion, no tabata un celebracion. Relaha boso mes."

Un vocero di polis a bisa AT5 cu nan a ricibi alrededor di 30 reportahe sinembargo e show diadomingo mainta, y e cantidad aki ta den aumento. E centro pa informacion y documentacion tocante Israel, CIDI, a publica e yamada riba rednan social pa reporta Bob Vylan pa "incita odio y violencia."

Simon Wiesenthal Center (SWC), un organizacion di derechonan humano Hudiu, a publica un declaracion condenando e autoridadnan di Amsterdam pa "no a emiti un denuncia y accion decisivo" despues di Bob Vylan su concierto.

"Celebrando un asesinato politico for di un escenario sosteni pa esnan cu ta paga impuesto ta crusa tur linea di decencia y seguridad,"

Rabbi Abraham Cooper di SWC a comenta. "Amsterdam su alcalde a ofrece remarcanan generalisa tocante limite na libertad artistico. Esaki no ta un respuesta adecua na un presentador cu a glorifica asesinato y a motiva un audiencia cu un retorica cu comunidadnan Hudiu ta reconoce como incitacion.

A causa di e conmocion rond di e show na Amsterdam, 013 na Tilburg a dicidi di cancela e show di Bob Vylan cu tabatin den schedule aya diamars. "Mientra cu nos ta compromete cu e declaracionnan a ser haci den e contexto di punk y activismo, y cu e reportahe di esaki hopi biaha ta menos detaya di loke realmente a sucede, toch nos ta kere cu e declaracionnan aki ta bay mucho leu," e sitio a bisa ANP. "Pa nos, nan no ta cay dentro di e linea di loke nos por ofrece un escenario."

E show di Bob Vylan na Doornroosje na Nijmegen dialuna lo sigui manera tin plan. "Nos tabata abruma pa e escala di e disgusto cu a surgi despues di Bob Vylan su show diasabra ultimo na Paradiso. Despues di e declaracionnan haci durante e concierto na Paradiso, nos no por a determina si cualkier ofensa criminal a ser cometi. Pa e motibo aki, nos no lo revoca nos decision di cancela e show," e sitio na Nijmegen a bisa segun NU.nl.

"Doornroosje ta kere den e importancia social di un cultura di pop liber. Nos escenario tambe ta un sitio di libertad di expresion, expresion artistico y dialogo social."

Lee-Ann Croes ta empleado superior di Aruba Bank

Lee-Ann Croes ta empleado superior di Aruba Bank pa luna di juli 2025. Un empleado cu a demostra dedicacion y iniciativa sobresaliente, logrando asina e reconocimiento merecido aki.

E compromiso di Lee-Ann pa semper brinda un experiencia superior na e clientenan di Aruba Bank ta refleha e balornan principal di e banco. Su dedicacion y manera proactivo di traha ta crea un impacto positivo riba e clientenan, y ta pone un standard halto pa excelencia di servicio.

Den su tempo liber, Lee-Ann gusta disfruta di e paisahe di Aruba y contempla un bunita bahada di solo, un pasatempo cu ta trece paz y inspiracion.

Pabien, Lee-Ann, pa ta un empleado ejemplar cu ta representa bon e cultura di servicio di Aruba Bank.



THE CASINO AT
THE RITZ-CARLTON
ARUBA

TUESDAYS IN SEPTEMBER ARE FOR 55+

Earn \$15 in slot credit for every 50 points earned
All other players will receive \$10 slot credit

Fiscal di Diddy Maurene Comey ta demanda administracion di Trump “Mi kier mi trabao back”

(TMZ) - Maurene Comey, e fiscal lider den e caso criminal federal di Diddy, ta demandando e gobierno Mericano - y especificamente President Donald Trump - pa haya su posicion despues di ser despedi pa Departamento di Husticia segun documentonan di corte.

Comey ta acusa den e documentonan cu e kier su trabao back pa motibo cu su despido tabata fuera di ley y ta un violacion di U.S Constitution su separacion di podernan.

Den e documentonan, Comey ta nombra un lista di acusadonan di perfil halto cu e ta demandando, incluyendo e oficina di e presidente, Procurador General Mericano Pam Bondi y DOJ.

E ta skirbi cu nan no a dune un splicacion “legitimo” pa su despido - sospechando cu el a ser despedi a causa di su tata, James Comey. Manera a yega di reporta varios biaha antes, Trump tin un relacion horrible cu James, y a despedi James Comey den 2017 ora cu e tabata director di FBI durante Trump su prome



administracion.

Maurene tambe ta cita su “afiliacion politico percibi y creencianan, of ambos” como mas manera pa despedi su persona. E ta bisa cu Laura Loomer - un sostenedor di Trump cu hopi influencia presidencial - a haci yamado abierto pa James Comey su “yiu muhe liberal” ser “despedi for di DOJ inmediatamente.”

Ademas, Maurene ta bisa cu el a ser despedi den juli despues cu recientemente el a ricibi un evaluacion cu resultado “extraordinario”

y tabata na caminda pa bira fiscal lider den un caso publico grandi di corrupcion. Tambe e tabata e fiscal lider den e caso di trafico sexual contra Ghislaine Maxwell, unda Maurene a logra un condena contra Maxwell - ex pareha di Jeffrey Epstein.

Sinembargo, Maurene no a logra su metanan den e caso di crimen organisa y trafico sexual contra Diddy, solamente ricibiendo un condena den dos cargo di Mann Act - transporta trahadornan sexual di estado pa estado. Diddy lo ricibi un sentencia dia 3 di october y



JAMES COMEY



MAURENE COMEY

ta enfrenta te hasta 10 aña pa Potretnan di TMZ cada cargo.

Lil Nas X ta drenta tratamiento despues di detencion

(TMZ) - Lil Nas X ta poniendo prioridad na ambos su salud fisico y mental despues di su detencion luna pasa pa medio di drenta un programa di tratamiento interna.

Riba dialuna, e cantante di Old Town Road su abogado donan a representa su persona den corte di Los Angeles mientras un hues tabata modifica e condicionnan di su detencion pa e por ricibi tratamento fuera di e estado na un localidad no revela.

Lil Nas X su fianza ta keda na 75,000 dollar y su proximo fecha den corte ta stipula pa dia 18 di november.



Den corte, e artista di 28 aña su abogado di defensa Drew Findling a enfatisa e importancia di su ekipo enfocando

rib su bienestar y a sigura corte cu e rapper lo bini back for di e espectáculo aki.



Noruega ta scoge Doctors Without Borders pa ricibi ganashi for di benta di entrada pa wega contra Israel

(AP) - Placa priminti na trabao humanitario na Gaza cu recauda via e benta di entrada pa e clasificatorio entre Noruega-Israel pa Copa Mundial 2026 lo bay na Doctors Without Borders.

Norwegian Football Association dialuna a anuncia su decision di partner cu e NGO di salud ganador di Nobel prome cu e wega sold-out cu lo tuma luga dia 11 di october na Oslo. E ta probable di ta centenares di miles di dollar.

“E placa ta stipula pa e organizacion cu trabao na Gaza y e areanan alrededor afecta pa e guerra,” e cuerpo di futbol Noruego a bisa.

Noruega su promesa si-man pasa di e placa pa yuda e pueblo Palestino ta bini



despues cu Israel - cual a hunga den competencianan di futbol Europeo a causa di preocupacionnan di seguridad desde cu el a uni UEFA den 1994 - no a enfrenta asi ningun presion dentro di e deporte pa keda suspende of boycott wega desde cu e conflicto na Gaza a escala den 2023.

Rusia a keda suspendi for di futbol internacional despues di e invasion completo den februari di 2022 na Ucrania pa motibo cu asina hopi federacion miembro di UEFA a nenga enfrenta oposicion Ruso.

“Como miembro di FIFA y UEFA,” FA Noruego Lise

Klaveness a bisa na un conferencia di prensa, su federacion “mester lidia cu participacion di Israel den su competencianan.”

“Na mesun tempo, nos no por y no lo ta indiferente na e sufrimento humanitario cu ta tumando luga den e region, specialmente e atakenan desproporciona contra ciudadanonan na Gaza.”

Noruega a tuma e posicion politico na momento unda su ekipo nacional masculino ta den e miho pa un generacion y lidera pa futbolista ‘superstar’ Erling Haaland. E ta na caminda pa cualifica pa e prome Copa Mundial desde 1998, liderando un grupo di cualificacion cu ta inclui Italia.

Italia su presidente di futbol

Gabriele Gravina tambe a duna algun palabra dialuna tocante e desafionan di hunga contra Israel, cu e ekipo anfitrionando dia 14 di october na Udine.

“Nos ta hopi al tanto di e sensibilidad di opinion publico Italiano riba e wega aki,” Gravina a bisa den un entrevista cu radio nacional publico. “Nos ta tuma dignidad humano na cuenta, pues ta duel nos loke ta sucediendo na Palestina.”

E no ta cla con hopi ganashi FA Noruego lo genera di e benta di alrededor di 23,000 entrada pa e wega na Ullevaal Stadium, cual lo tin extra seguridad pa Israel su bishita.

Usain Bolt tocante su exito den atletismo: “Mi tabata kier crea standard halto y mi a logr’e”



(AP) - E dia cu atletismo a yega Jamaica un biaha mas pa haya e homber mas lihe di mundo, e miho sprinter Jamaicano tabata den shelo na e stadion - su presencia literalmente colgando riba un deporte cu no ta mescos desde cu el a bay.

Oblique Seville por ta e campeon mundial di 100 meter nobo. Usain Bolt ta keda e unico atleta den e siglo aki ken su fama ta bay mas aleu cu deporte.

8 aña desde su retiro, ningun hende a sikiera yega cerca na su recordnan ni su presencia. Den un entrevista prome cu e caredanan di diadomingo na e campeonato mundial di

atletismo, el a bisa e ta sinti hopi bon cu esey, pa motibo cu “ta pa esey mi a traha.”

“Ora mi tabata competi, mi tabata trahando pa kibra e standardnan,” el a bisa. “Awo cu mi a retira, e ta un gran sentimento cu ami ta e standard di si bo kier ta e miho, si bo kier ta un leyenda. Mi tabata kier crea standard halto y mi a logra. Mi ta contento cu esey.”

E cifranan ta conta parti di su storia: 8 medaya di oro Olimpico. 11 medaya di oro na e campeonatonan mundial. 3 record mundial - 9.58 seconde den 100, 19.19 den e 200 y 36.84 den categoria relay 4x100 - cu te ainda ta sin kibra.

Ningun atleta a yega dentro di .12 seconde di ningun di dos puntuacion individual desde cu el a retira.

Ora a puntra dicon, a pesar di un mundo den cual tecnologia di atletismo y keds ta duna e atletanan un miho impulso compara cu 15 aña atras ora e tabata den su miho momentonan, Bolt a ofrece un bista den dicon te ainda e ta e deporte su embahador cu mas influencia.

“Realmente bo kier e contesta Nos ta djis mas talentoso,” el a bisa. “Bo ta mir’e. Mi ta djis bisando, bo no por core mas lihe (djis) cu keds nobo.”

Velocidad, sinembargo, ta solamente parti di Bolt su storia. E ta su habilidad di por usa e plataforma pa entretene y uni hende - un habilidad cu no por ignora den un era unda Olimpiada tabatin mester di un recarga - esaki a haci Bolt un di e personahenan mas importante den atletismo.

For di su pose representativo na su cori di victoria rond di e veld cu musica reggae - for di su smile na e felicidad cu e tabata expresa a pesar di e naturalesa dificil di su trabao - e tabata eleva e deporte den un festival di amor impulsa pa personalidad y a duna hende un motibo pa mira.

“E ta e personalidad,” el a comenta. “Mi ta kere hopi hende, nan ta purba di ta pret pero e ta sali diferente. E ta

djis tocante pasa un bon momento. Si bo haci dimas, e no ta bay ta mescos. Pero mi djis tabata disfrutando di tur cos. Esey ta con mi ta wak e. Mi a purba di interactua cu fanaticonan y ta pa e motibo ey nan tabata sinti atraí.”

Diadomingo a marca Bolt su prome biaha presentando na un Olimpiada of competencia mundial desde cu el a retira di e deporte den 2017 su campeonato na Londres.

Awo e ta tata di un yiu muhe di 5 aña, Olympia Lightning Bolt, y twinnan di 4 aña Saint Leo y Thunder Bolt. Pa nan, Bolt ta djis un tata. Sinembargo e miho atleta den historia a

bisa cu nan punto di bista por cambia na e proximo campeonato mundial - aki dos aña na e luga unda su carrera a gara impulso manera un rocket: Beijing.

“Mi ta emociona paso mi por hiba mi yiunan y mi por bisa nan, ‘Tende, esaki ta unda tur cos a cuminsa,’ el a bisa di e Olimpiada di 2008 unda el a logra 3 record mundial y a gana 3 medaya di oro. “Mi a mustra mi yiunan video y cosnan asina. Nan lo tin 6 y 7 aña y nan lo compronde e momento y mi por splica nan kico nan tata a haci durante e añanan.”



E momia mas bieu di mundo probablemente ta bini di Asia y ta data te 12.000 aña pasa

(AP) — Cientifico a descubri loke ta ser pensa di ta e momia mas bieu conoci di mundo den e region sur-oost di Asia cu ta data te 12.000 aña pasa.

E acto di haci un momia ta preveni descomposicion pa preserva curpa morto. E proceso por sucede naturalmente na lugha manera e santonan di Desierto di Atacama di Chile of manera na Irlanda unda condicion por defende contra descomposicion. Hende di varios cultura tambe a haci nan ancestro un momia via e proceso yama 'embalming' pa honra nan of manda nan alma na pa e siguiente bida.

E momianan di Egipto por ta esnan mas conoci, pero te awo algun di e momianan



mas bieu tabata prepara door di un pueblo di piscado yama Chinchorro rond di 7.000 aña pasa na loke awo ta Peru y Chile.

Un estudio nobo publica di-aluna den e revista Proceedings of the National Academy of Sciences ta pusha e linea di tempo ey mas patras.

Investigadornan a haya restonan di humano cu tabata dera den diferente posicion cu algun corta y marca di kemadura den varios sitio arqueologico alrededor di China y Vietnam y na un cantidad menor, for di Filipinas, Laos, Thailandia, Malaysia, y Indonesia.

Studiando e wesonan mas fondo, científico a descubri cu e curpanan tabata probablemente exponi na calor. Esaki a sugeri cu e curpanan a ser seca cu huma riba un candela y converti den momia door di comunidad di casador y esnan cu ta reuni cos den e area.

E practica aki a "permít hende pa sostene conexion fisico y spiritual cu nan ancestro, haciendo un conexion entre tempo y memoria," a bisa autor di estudio Hirofumi Matsumura cu Universidad Medico di Sapporo na Hapon den un e-mail.

Metodo cu cual a graba e datanan usa riba e momianan por a ser mas robusto y no ta

ainda claro cu momia tabata consistentemente seca cu huma alrededor di tur e localidades aki den parti sur-oost di Asia, a bisa experto di evolucion humano Rita Peyroteo Stjerna cu Universidad di Uppsala na Suecia, kende no tabata involucra cu e investigacion.

E descubrimientonan ta ofrece "un contribucion importante pa e estudio di practica funerario prehistorico," el a bisa den un e-mail.

Momia ta leu di ta un cos di pasado. Ainda dia di awe, comunidad Indígena na Australia y Papua Nueva Guinea ta seca, huma y converti nan morto den momia, científico ta bisa.

Munición toxico ta putriendo den Lama Baltico

Alemania kier recupera nan prome cu ta mucho laat

(AP) — Poco poco, Dirk Schoenen ta baha na un cantidad enorme di munición for di Segundo Guerra Mundial na e fondo di Lama Baltico. E ta kita algun di e pidanan ariba y ta pone nan cuidadosamente den un basket, mientras un team di ingeniero, buceador y marinero ta wak su cada movimiento riba monitor cu ta transmiti video den tempo real for di un camara conecta na su cabes.

Despues di un ora, e hombernan ta hala Schoenen back riba e plataforma Baltic Lift, un plataforma mobil situa 6 kilometer for di e pueblo chikito di Boltenhagen na e costa Aleman. El a recupera varios granada di 12.8cm, algun di nan ainda den un caha di palo kibra, fragmento di granada mas chikito, y varios proyectil di 2 centimeter.

Loke el a recoge tabata abundante pero humilde compara cu loke ainda ta keda na e fondo di lama.

Aproximadamente 1.6 milyon tonelada di munición bieu ta benta na e fondo di Lama Nort y Lama Baltico, presentando un peligro considerabel: nan caha ta frustra poco poco y ta emiti substancia toxico manera composicion di TNT.

Riesgo di explosion sponta-



neo y contaminacion "Esaki no ta un trabao di rutina," a bisa Schoenen, 60 aña, kende ta bucea desde 1986 y a ofrece su mes pa e team di buceador Baltic Taucher.

"E reto, por supuesto, ta cu bo nunca sa kico bo lo haya," el a bisa manera el a saca su aparato di buceo, incluyendo tres par di glove pa segura cu su cuero no a haya contacto directo cu e munición. "May-

oria di e cosnan aki por ser mancha, pero bo no mester nenga precaucion y simplemente golpia algo of tira algo na banda."

E munición putriendo no ta solamente contaminando e awa — e por tambe explota mientras e detonador di mina di lama y bomba aereo cu no a explota ta bira mas sensitivo despues di tempo. Esaki ta un ocasion raro.

Mas malo ainda, e munición di 80 aña ta cuminsa tambe venena e ambiente marino: fragmento di explosivo TNT descomponiendo, cu ta ser considera carcinogenico, a ser descubri den e awa cerca di munición bieu benta na e fondo di lama. Substancia deriva for di e explosivo a ser haya acumula den bida marino manera mussel y pisca, segun e ministerio di Ambiente Aleman cu ta dirigi e esfuersonan di limpieza.

Mientras e nivel di substancia toxico detecta tabata bon bao di e nivel di seguridad pa awa di bebe of pa organismo marino, den algun caso "concentracion a acerca nivel critico," e Centro di Investigacion Oceanico GEOMAR Helmholtz Kiel a bisa den un estudio publica na februari.

E instituto di investigacion a enfoca riba "e necesidad urgente pa eliminacion di munición pa minimalisa riesgo di largo plaso."

E problema ta specialmente urgente den Lama Baltico debi na e canal fini conectando cu e Lama Nort cercano y e Atlantico, locual ta nifica cu e awa contamina no ta circula afo di e area pa varios decada, segun e ministerio di ambiente Aleman.

Otro pais ta enfrenta cu problema similar

E proyecto di gobierno no ta enfoca solamente riba limpia e fondo di lama. E meta di largo plaso ta pa haya manera seguro pa recupera y inmediatamente destrui e munición, idealmente via medio automatiza sin yudansa di buceador humano, y pa kima e material toxico riba un planta industrial flotante na lama.

E proyecto actual y tres proyecto relaciona patrocina door di gobierno aña pasa cu a usa robot submarino pa screen e fondo di lama lo yuda determina con facilidad offshore mester ser diseña, a bisa Volkierr Hesse, un ingeniero marino coordinando e programa.

Hesse a enfatisa cu e descubrimientonan no ta solamente importante pa Alemania pero tambe di gran interes pa otro pais pasobra munición bieu hundi den lama ta un problema creciente alrededor di mundo.

El a nota cu Lama Preto tambe ta enfrentando e problema di contaminacion door di munición for di e guerra di Rusia y Ucrania.

"Esaki ta definitivamente un problema global — un so tin cu pensa den e crisis na Vietnam of Cambodia, pero tambe aki localmente den e paisnan cercano, Lama Baltico, Dinamarca, Polonia," el a bisa.

Motociclista no a ripara cu auto a sortia pa bira y a bay dal su tras



Diasabra atardi a drenta informe di un accidente cu hende herida banda di Fantastic Gardens na Bushiri, mesora a

dirigi tanto polis como ambulance na e sitio.

Na yegada di e patruya a bin compronde cu aki ta trata

di un accidente unda un motociclista coriendo tras di un auto y e no a ripara cu e auto a sortia y a bay dal tras di e Hyundai Elantra. Debi na e

impacto e motociclista a cay y a rasca varios parti su curpa.

Na yegada di e ambulance nan a atende e victima y a

transporte pa hospital.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta reflesha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Parlamentario Xiomara Maduro

Minister Gerlien Croes ta gaña e veld di enseñansa cu no tin placa pa hisa nan salario



Nos a tuma nota di e men-

sahe di Minister di Enseñansa Gerlien Croes na e veld di enseñansa den cual e mandatario ta purba scapa cara door di tira culpa riba MEP.

Segun Gerlien, e gobierno anterior a laga debe atras tur caminda y ta pesey e no por hisa e salario di maestronan. Aki nos ta bolbe gara Minister Gerlien Croes ta gaña e veld di enseñansa.

Gobierno di MEP a paga su debenan

E gobierno anterior di MEP a cumpli cu tur pago di su debenan, sea ta compania local of ta pago di debe internacional. Gobierno di MEP hasta a cuminsa paga companianan local den 60 dia enbes di e 90 di pago cu gobierno ta acorda. Tambe a laga un situacion di likidez atras den cual gobierno por paga su debe den 30 dia mes.

Placa di surplus por bay pa Enseñansa

E ta un lastima cu Gerlien a stop e trabounan cu a wordo haci pa un comision di ex Minister Endy Croes pa hisa salario di e maestronan. Tambe ta tristo mira Gerlien critica, chercha y nenga cu MEP a traha surplus, siendo cu ta di e placa ey ta paga e reparatietoeslag di 250 florin pa pensionado, cune Geoffrey ta gaba cu tin 70 miyon

florin pa inversion den 2025, y cu e placa di e surplus por a subi salario den enseñansa.

Ta bolbe gara Gerlien ta gaña Ta hopi lamentabel pa bolbe gara Minister Gerlien Croes di enseñansa ta gaña. Banda cu e ta duna un mal chempel na comunidad y specialmente na nos hobennan, e ta dal e veld di enseñansa cu a sostene TUR TUR, un bofta den nan cara cu su gañamen-

Skirbi pa Gregorio Wolff y Michiel G. Croes

Porfin Comision 11 ta bay ricibi e registro di miembronan di CAPA

Porfin despues di casi un aña y mei di lucha, Comision 11, dialuna 15 september pa 11'or ta bay busca e registro di miembronan di CAPA.

Tur nos lucha tabata pa busca claridad ariba con e ladroncia di F 382.000,= a sosode. Prome, Comision 11 a purba via di compromiso cu directiva di CAPA, nos a manda cartanan pa ricibi mas informacion ariba e ladroncia. Como miembro di CAPA, nos a pidi reunion cu directiva di CAPA.

Tur reaccionnan di Directiva tabata negativo, hasta directiva a ignora nos peticion pa reunion, ni a contesta nos peticion. Directiva a busca un

confrontacion cu Comision 11. Esaki ta e motibo cu comision 11 a dicidi di bay Juez y nos a ricibi rason di Juez pa nos di Comision 11 ricibi e registro di miembronan.

Declaracionnan controversial Diabierna nos a ricibi un email di sr Duijneveld, den representacion di directiva di CAPA, cu pa dialuna 11'or nos por ricibi e registro di miembronan.

Straño y hopi mahos, sr Duineveld ta bisa cu directiva di CAPA no a bay den apelacion contra e caso cu Comision 11=miembronan di CAPA a gana, despues cu e mes, sr Duijneveld, a manda un carta via courier poco tempo pasa, cu directiva



di CAPA ta bay apela e caso. Siman pasa diaranson, e Presidente di CAPA telefonicamente a bisa cu CAPA a apela e caso contra e decision di Juez na favor di Comision 11.

Ta comision 11 a muestra directiva di CAPA cu prueba cu nan NO a apela e caso. Pues directiva di CAPA no sa

kico nan Abogado ta haci o no ta haci, directiva di CAPA ta desfuncional y incompetente.

Tambe sr Duijneveld ta bisa cu directiva di CAPA no ta di acuerdo cu e decision di JUEZ. CON?

Den e statuton bieuw art 30 y den e statuton nobo cu e directiva aki mes a presenta mas o menos un aña pasa, e ta poni den articulo 34, cu ariba peticion di miembro(nan) despues di pago, ta ricibi e registro. Ta boso mes a trece den articulo 34; Aserca den e ley cu ta regarda e funcionamiento di Cooperativanan na Aruba, AB 1987 nr GT 8, den articulo 11, lid 3, ta redacta mesun reglanan cu tin den

statuton di CAPA; Juez a duna un veredicto di acuerdo cu ley y cu statuton di CAPA.

Ainda directiva di CAPA no ta di acuerdo. Wel,wel, e miembronan di directiva di CAPA no mester ta miembro mes di nos cooperativa, CAPA.

Pues cu nan ponencia anti-cooperativismo, mihor nan pidi retiro di CAPA.

Final
Pa tur hende por comprende, e lucha di Comision 11 ta pa trece claridad ariba con e ladroncia di F 382.000,=, cual no ta dosplaca, a sosode durante 9 luna.

Chauffeur di Arubus a para bus pa un muhe di edad cu tabata basha sanger for di su nanishi

Diasabra atardi a drenta informe di cu den un bus tabata tin un dama cu tabata sangrando masha hopi for di su nanishi, mesora a para e bus y busca otro bus pa e pasaheronan y a yama ambulance pa e dama.

Na yegada di e otro bus e pasaheronan a cambia di bus y a sigui nan rumbo mientras na yegada di e ambulance nan a atende e dama y a pas'e pa den e ambulance y despues transporte pa hospital.



Persona a bira malo y tabatin problema pa hala rosea



Diasabra mainta a drenta informe di cu tin un dama di 22 aña cu a bira malo na Lucky Store, mesora a dirigi un ambulance na e sitio.

Na yegada di e ambulance nan a atende y a yuda e victima. Den deliberacion cu e huis dokter di e dama a laga e dama na e sitio despues di un mehoransa.

Turista no a duna preferencia na e crusada entre Koningstraat y Weststraat y a causa un accidente



Persona a cay riba su cabes na Casibari y no ta reacciona verbalmente



Diasabra mainta a drenta informe di cu un persona a cay riba su cabes y awor no ta reacciona verbalmente, mesora a dirigi un ambulance na e sitio.

Na yegada di e ambulance nan a atende e victima y a nota cu e no ta reacciona verbalmente. Mesora a dicidi pa transporte pa hospital.



Diasabra atardi a drenta informe di un accidente cu hende herida na e crusada Koningstraat cu Weststraat, mesora a dirigi tanto polis como ambulans na e sitio.

Na yegada di e patruya a bin compronde cu un turista cu un auto di huur bayendo cu velocidad den Koningstraat, no a para pa duna preferencia na un otro auto bayendo nort den Weststraat y a bay dal esaki pone bira 180 grado.

Debi cu e turista a keda sacudi den e auto a kere cu e lo ta herida pero despues di un rato el a stop y polis a cancela e ambulance.

Afortunadamente ningun hende a resulta herida.



2 hoben a bringa cu otro y e tatanan tambe a bula aden cu tubo y machete



Diadomingo atardi a drenta informe di un pelea den Sero Patrishi y tin hende herida, mesora a dirigi tanto

polisnan como ambulance.

Na yegada di e patruya a bin compronde cu aki ta trata di



un pelea entre 2 hoben unda e padrastro di un y e tata di e otro tambe a bula aden y tabata tin sanger tur caminda. Polis a

detene e tata cu e yiu mientras e otro hoben y su padrastro a resulta herida. E yiu cu un kap na cabes y e padrastro un kap

riba su wowo.

Na yegada di e ambulancenan nan a atende e victimanan y a transporta nan pa hospital.



A haya homber di edad sin bida na un cas na Turibana



Diadomingo atardi a drenta informe di cu a haya un homber sin bida na un cas na Turibana y mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un hende homber di edad

cual a ser haya sin bida. Na yegada di e ambulance a confirma cu e persona ta sin bida. Na yegada di e dokter a constata morto di e persona cu a muri a causa di un morto natural.


Na famia di e fayecido ta bay nos mas sincero palabranan di condolencia.

Bomberonan a bay Aliviostraat pa rescata un prikichi cu a sali for di haula y no ta laga nan gar'e



Diasabra mainta a drenta informe di cu un prikichi a sali for di su haula y no kier a bolbe den dje pero si a keda den halto di un mata.

Mesora a dirigi bomberonan na e sitio. Na yegada di e bomberonan e prikichi no kier a baha pa nada di mundo unda el a subi ta dificil pa bomberonan yega na dje y riba dje cu e prikichi ta bula



di taki pa taki sin laga nan gar'e. No a keda nada otro cu

bomberonan sigui pa otro trabaonan y laga e doño mes sigui purba.

Polis y bomberonan a bay pa un cas na candela na Moko

Diasabra mainta bisiñan-un atento pasando dilanti un cas na Moko ta mira huma sali for di patras di e cas, mesora a dirigi polis y bomberonan na e sitio.

Na yegada di e patruya a no en berdad cu tin huma saliendo for di patras di e cas. Polis a baha bay controla y a ripara cu ta un candela chikito di sushi ta kima.

Mesora polis a cancela bomberonan y a bisa e autor pa paga esaki mesora pa evita molester y peliger.



Crea un comienso nobo den enseñansa: Inscripcion pa 21+ Toets na IPA ta habri

Nunca ta laat pa un comienso nobo! Si pa un otro motibo bo mester a interumpi bo estudio of bo ta considerando cambio di carera, Instituto Pedagógico Arubano (IPA) ta duna bo e oportunidad pa cuminsa di nobo den ramo di enseñansa.

Tur persona cu desde 1 di september 2026 tin minimo 21 aña y cu kier haci un estudio na IPA, pero no tin diploma di sea havo, vwo of mbo nivel 4, por inscribi pa haci e asina yama 21+ Toets. E 21+ Toets ta midí si bo tin nivel di havo cu ta necesario pa por studia na IPA.

Si bo logra pasa e 21+ Toets cu exito, bo por inscribi pa

un estudio inicial cu IPA lo ofrece durante aña académico 2026-2027. Asina cu bo inscribi bo ta bin na remarke pa participa na e test di admision (beroepstest) y e programa preparatorio (voorprogramma) cu lo tuma luga durante aña académico 2025-2026. Si bo logra pasa e test di admision cu exito y completa e programa preparatorio bo por cuminsa cu bo estudio na augustus 2026.

Informacion di 21+ Toets 21+ Toets ta consisti di tres materia entre otro: Hulandes, Matematica y Hende y Comunidad. 21+ Toets ta tuma luga diasabra 21 di februari, diamars 24 di februari y diasabra 28 di februari 2026. Tur informacion di 21+

Toets ta riba IPA su website. Bay na www.ipaaruba.com y click riba 21+Toets. Akinan lo bo haya informacion tocante contenido di 21+Toets, e preguntanan mas frecuente haci (Pag. 13 y 14 di e Toelichtingsdocument IPA 21+ toetsen voor het studiejaar 2026-2027) y procedura di inscripcion.

Anochi di informacion Banda di esaki lo tin anochi di informacion diaranson dia 1 di october 2025 di 7 pm - 8:30 pm na IPA. Bo lo haya splicacion di kico 21+ Toets ta encera. Alabes lo elabora riba contenido y trata chempel di tarea di diferente materia cu ta forma parti di 21+ Toets. Inscripcion



Tur persona cu ta interesa pa haci 21+ Toets por inscribi via e website www.ipaaruba.com. Pa por inscribi mester cumpli cu e pago di AWG 100,- y pone como anexo copia di comprobante di pago den formulario digital di inscripcion. Tene na cuenta cu e comprobante mester tin bo number riba dje, p'asina nos sa na ken e pago ta pertenece. Na final bo lo ricibi confirmacion di bo inscripcion. E ultimo dia pa inscribi pa 21+

Toets ta 12 di januari 2026. Despues di e fecha aki no tin posibilidad mas pa inscribi.

Esaki ta e oportunidad pa pone meta nobo y tuma bo futuro den bo man. Bay p'e!

Pa keda altanto di e ultimo desaroyonan di IPA bishita www.ipaaruba.com y sigui nos riba pagina di facebook Instituto Pedagógico Arubano.

Inscribi awo pa Landsexamen 2026



Departamento di Enseñansa Aruba (DEA), seccion examen, ta informa cu inscripcion pa Landsexamen MAVO, HAVO y VWO 2026 ta habri te cu 30 di september 2025.

Ken por participa? Bo ta desea di haal bo diploma di MAVO, HAVO of VWO ainda? Landsexamen ta brinda e oportunidad pa haal e diploma aki na un manera flexibel. Un "landsexamen" ta igual na e examen di un scol secundario y un diploma di landsexamen MAVO, HAVO of VWO tin e mesun balor cu e diploma obteni via un scol secundario.

Personanan cu no ta bishita scol secundario (mas) pero cu ainda kier haal nan diploma, como tambe esnan cu kier haal certificado pa un of mas materia (vak) specifico por inscribi pa participa na Landsexamen.

Landsexamen ta aplica e mesun exigencianan pa examen (examenisen) y e mesun "schriftelijke centrale examens".

Esnan cu scoge pa participa na landsexamen no ta obliga pa haci examen den tur materia pareu. Bo por scoge pa haci examen y haal "deelcertificaten" pa un (1) of mas materia durante diferente aña escolar. Cada candidato

tin maximo dies (10) aña pa haal su diploma via landsexamen.

Riba nos website ea.aw riba e pagina di Landsexamen por haya mas informacion di e similaridadnan y e diferencianan entre Landsexamen y scol secundario.

Con pa inscribi? Pa inscribi mester yena formulario digital di inscripcion cu ta riba nos website www.ea.aw. Aki tambe lo mester upload un extracto di registro civil (afl. 5,-) cu no ta mas bieu cu 6 luna. Tur informacion necesario ta accesibel riba nos website www.ea.aw. Ta urgi un y tur pa por fabor lesa tur informacion den e "Informatiebrochure Landsexamen 2026" prome cu yena e formulario di inscripcion online.

Mas informacion Por haya tur informacion tocante Landsexamen den e "Informatiebrochure Landsexamen 2026" riba nos website. Bay na www.ea.aw y riba e pagina principal busca Landsexamen na letter (L) den e alfabet menu.

Ta sugeri candidatonan y interesadonan pa sigui Departamento di Enseñansa Aruba riba Facebook y/of Instagram @EducationAruba pa keda na altura di tur informacion.

Resultado Sorteo september 15			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0618	1792	3479	9814
8756	0161	SUPER5	1127
3674	4099	-	7734

MERDIA	ANOCHI		
 Sorteo # 4743 1089 4824 7193  X2  Sorteo # 4743 5203  FP  Sorteo # 2799 3741  Sorteo # 4743 8889 Sagitario  Sorteo # 1617 513  FP	 Sorteo # 8649 4913 8625 1529  X2  Sorteo # 7693 1298  FP  Sorteo # 2398 6812  Sorteo # 6452 6649 Aries  Sorteo # 1382 188  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 725.000,-  Sorteo # 6949 0 x Jackpot 4 x Match 4 130 x Afl. 8,00 Proximo Jackpot 60.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 250.000,-  Afl. 350.000,-  Sorteo #	

**Dokter na warda**

Oranjestad Hospital

San Nicolas Imsan

7:00 pm / 10:00 pm 24 ora

Botica na warda

Oranjestad:	San Nicolas:
Sta. Cruz :	Centro Medico:
Tel. 585 8028	Tel. 584 5794
EMERGENCIA	911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Cas Di Cultura
Vondellaan 2 Aruba
297-582-1010
F A D A
Campanastraat 5 Aruba
297-583-2999
297-583-9610
F A V I
Primavera 233 Aruba
297-582-5051
297-582-5222

F E P O
Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
297-588-1179

**Fundacion Pa Nos
Muchanan**
Cumana 2 Aruba
297-583-4247

**Fundacion Tel Pa
Hubentud**
Wilhelminastraat 19
Aruba
297-588-6138
**Koningin Wilhelmina
Fonds**
Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999
Rode Kruis Aruba
Pedro Gallegostraat 14
Tel.297-582-2219
Fax 588-3376

Famia Planea (SBVO)
Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**
George Madurostraat 34
297-582-0088

Y M C A
Calbasstraat 1 Aruba
297-582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081

BOTICA	
Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD	
Setar	117
Web	525-4600
Elmar	523-7147

FUNERARIA	
Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi
**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Muhe Britanico y su pareha condena na 14 y 4 aña den prison pa asesinato di nan yiu recién naci



(AP) - Un aristocrata Britanico y su pareha a ricibi condena 14 aña den prison dialuna pa e asesinato di nan yiu muhe recién naci mientras cu nan tabata huy for di autoridadnan.

Constance Marten, di 38 aña y su pareha Mark Gordon di 51 aña, un ofensor sexual condena, a ricibi sentencia di-aluna despues di a ser declara culpable di asesinato pa negligencia grave na Londres su Central Criminal Court den juli. Anteriormente nan a ser condena di stroba e curso di husticia, sconde e nacemento di un mucha y crueldad di mucha. Gordon lo cumpli un sentencia di 4 aña bao licencia extendi.

Polis a lansa un buskeda nacional despues cu oficialnan a haya placenta dia 5 di januari 2023, den un vehiculo kima cu ta pertenece na Marten y

Gordon cerca di Bolton na Inglatera.

E pareha a biaha den henter Inglatera y a sali for di e red, gastando centenares den taxi pa hiba nan rond, y evitando uso di credit card of cualkier cos cu por identifica nan. Nan a drumi den tent na South Downs, un rango di sero na parti Sur di Inglatera, unda nan baby Victoria a fayece. E curpa di e baby a ser haya pa polis den un saco bao di un sushi na Brighton den 2023, cabando e buskeda di 7 siman largo.

Durante sentencia, e hues a declara cu e baby a fayece a causa di hypothermia despues cu el a ser exponi na “stress causa pa frio significativo,” rechasando e pareha su declaracion cu e baby a fayece den un “accidente terrible.”

“E ta cla cu durante e periodo

aki ningun di boso dos a duna e baby amor ni cuido,” Hues Mark Lucraft a bisa e acusadonan. Marten a duna luz na Victoria secretamente despues cu e pareha su otro 4 yiu a ser kita for di nan den corte pa motibo cu nan tabata den riesgo di sufri daño.

Despues di nan detencion na Brighton dia 27 di februari, e pareha a nenga bisa unda e baby tabata.

Mientras cu nan tabata huy, Victoria a ser mira brevemente pa camaranan di vigilancia na Londres bisti cu e mesun paña den cual a hay’e mas despues.

Detective Superintendente Lewis Basford a bisa den un declaracion despues di e sentencia cu e pareha tabata sa cu e oficialnan ta buscando nan y tabatin suficiente oportunidad “pa haci loke ta corecto.”

Pronostico di tempo

Tempo:
Awe tardi y awe nochi: parcialmente nubia y generalmente seco
Den marduga y mañan: parcialmente te brevemente hopi nubia cu un awasero breve

Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 35 pa 40 grado Celsius uv index: 12

Bahada di solo: 6:40pm
Subida di solo: 6:29am

Biento:
Modera for di direccionnan entre oost-noordoost y oost-zuidoost; forsa 3 te 4 (12 te 30 km/ora, 7 te 16 nudo).
Durante di dia basta fuerte te posiblemente fuerte den rafaga; forsa 5 te 6 (31 te 50 km/ora, 17 te 27 nudo)

Situacion general di tempo:
Humedad disponible den atmosfera regional lo trece algun area di nubia den region. Esaki por induci un awasero breve riba cierto partinan di e isla.

Condicionnan maritimo/



estado di lama:
Na partinan protege di costa: keto, rond di 1 pia.
Na partinan zuid: trankil te modera, rond di 2 te 3 pia.
Na partinan oost te noordwest di costa: generalmente modera cu olanan alrededor di 4 pa 5, localmente 6 pia.

Aurora

Royal Pray

Funeral Home & Crematory

Maske bo a despedi pa semper
Y bo man nos no por tene mas
Hopi ta e recuerdonan di momentonan alegre
cu nos a comparti
Dios tin bo den su reino
Y nos tin bo den nos curason

Cu honda penda pero conforme cu Dios su
boluntad, nos ta anuncia fayecimiento di:



Luis Rudolf Chong

mihor conoci como "Roy"

★25 augustus 1935 – †13 september 2025

Na number di su:

Esposa: Sira Chong-Koolman

Su yiunan:

Gregory Chong y yiunan

Jeffrey Chong y yiunan

Luis y Marisol Chong y yiu

Su rumannan:

†Norma Cha Fat y yiunan

Letty de Marchena y yiunan

†Greta Chin y yiunan

Donald Chong y yiunan

Leon Fat y Zaida Chong y yiunan

Cuña: Rosalia Jelten

Amigo, amiga di cas:

Melva Rosel, Guiguiola Molina, Giselle Tromp,
Vachi Werleman y Clara Croes

**Subrina y subrinonan nieta y nieta nan
y demas famia na Aruba, Curaçao y
Hulanda,** Chong, Koolman, Tromp, Cha Fat,
de Marchena, Chin, Rosel, Fortuin, Jelten, ta
invita tur famia, amigo y bisia pa asisiti na e
acto di despedida cu lo tuma lugar diabierna
19 di September 2025 di 7:00 pa 9:00 pm na
Aurora Funeral Home. **Cremacion** lo tuma
lugar despues den seno familiar.

Enbes di manda krans of flor lo tin un box
disponibel pa Fundacion Cas Marie.

Nos disculpa si den nos tristeza nos por a lubida
di menciona un of otro famia.

Nos ta lamenta cu despues di entiero nos no por
ricibi bishita di condolencia na cas.

Aurora

Royal Pray

Funeral Home & Crematory

Jesús a bis'e: "Ami ta e resurecion y e bida; esun cu kere den Mi lo
biba, maske e muri, y tur esnan cu ta biba y ta kere den Mi lo no
muri nunca"
Juan 11:25-26

Conforme cu Dios Su voluntad y agradecido pa tur locual e la
significa pa nos, nos ta participa cu a bai sosega den brasa di Señor:



Oswaldo Feliciano van der Linden

Mihor conoci como: "Chani" of "Ozzy"

★5 Augustus 1945- †9 September 2025

Esposa: Petra van der Linden- Oduber

Yiu: Sharon y David Meijer

Tata: †Pedro van der Linde

Mama: †Fransisca van der Linde-Alberts

Como yiu: Emiliano (Jani) Oduber y Jeanet de Windt

Nietonan: Dustin Meijer, Ian Meijer y Björn Meijer

Rumannan:

†Timoteo van der Linde

†Teresita (Chichi) y †Jose (Buchi Panama) Wever- van der Linde
y yiunan

†Benny van der Linde y yiunan

Seferino (Fefe) van der Linde

Filomeno (Shome) van der Linde y yiunan

Elisabeth (Lisette) y Carlos Croes- van der Linde y yiunan

Bicente (Quito) van der Linde y yiunan

Swanan:

Francisco (Panchito) Oduber y yiunan

Miguel y Sita Oduber- Maduro y yiunan

†Tico Oduber y yiu

Cuñanan:

†Betty Oduber y yiunan

Dora y Piet Christiaans- Oduber y yiunan

Vda. Sisi de Cuba-Oduber y yiunan

Consuegra: Hortencia Maduro y yiunan

Sobrino(a) nan:

†Johnny Wever, Judith y Theo Ras-Wever y yiu, Glenn y Majorie
Wever-Hsing y yiunan, Jean Wever y yiunan, Sandra y Lino van
der Biezen -Wever y yiunan, Jacqueline Wever y yiunan, Shirley
Wever y yiunan, †Cado van der Linde y famia, Ester van der
Linde, Ludwina y Edwin Hart-van de Linde y yiunan, Albertico
van der Linde y yiunan, Billy y Manon van der Linde -Veenstra y
yiunan, †Marlon y Diana van der Linde-Driel y yiunan, Shana van
der Linde, Lupita van der Linde y Famia, †Marisol van der Linde
y famia, Ryan van der Linde & Helen Loeftok, Edson y Angel van
de Linde-Acosta y yiunan, Geneve van der Linde y yiunan, Gelou
Wever y yiunan, Drucelle Croes y yiunan, Sergej Croes y yiunan,
Moses Boekhoud y famia.

Bon Bisiñanan: Jem y Diana Croes y famia, Jossy y Angela van
der Biezen y famia

Amigonan y Ex Coleganan di futbol, piscamento, Americana
Casino, Crystal Casino y La Cabana Casino

**Primo y primanan, comer y compernan, bisiñanan,
conocirnan, amistadnan y demas famia:** van der Linden,
van der Linde, Oduber, Meijer, Alberts, Wever, Croes, Dirksz,
Maduro, Christiaans, de Cuba, Koolman, Loaiza, van der
Biezen, Vrolijk, Werleman, Kock, Vries, Navas, Wouters, Figaroa,
Romero, Giel, Hsing, Veenstra, Driel, Loeftok, de Veer, Ras,
Maaroufi, Werleman, Geerman, Pietersz, Acosta, Boekhoud y
demas Famia.

Ta invita pa e acto di condolencia y despedida cu lo tuma
lugar na Aurora Funeral Home diasabra, 20 di September 2025,
na unda e difunto lo reposa for di 1:00- 4:00 pm pa despues sali pa
Santana Central Sabana Basora.

Enbes di krans of flor, lo tin un box disponible pa Cas di Machi.
Nos ta lamenta cu despues di entiero nos no por risibi bishita di
condolencia na cas. Nos kier a pidi disculpa cu si den nos tristesa,
nos por a lubida un of otro famia of conocir.

Cu Señor Jesus Cristo warda su alma te dia di redencion.

Aurora

Royal Pray

Funeral Home & Crematory

"Forever remembered
for her gentle heart,
bright spirit, and endless
kindness."

**Rina Johanna
Celestijn-Arends**
★09-08-1941 - †09-09-2025

Na number di su:

Esposu: Ronald
"Ronnie" Celestijn



Ihastranan:

Emma & Jean Paul van Erven

Aisha & Earl Fraser Celestijn y Famia

Sobrino/Sobrinanan:

Desiree Henriquez & Ron Henriquez

Reginald & Adiola Henriquez, Miryelle &
Isabela

Richelle Henriquez, Aleena

Primo/Primanan: Arends, Arendsz, Wever

Ihanan

Su ajudante Leo Villalba Villalba

Su ex Coleganan di Ennia

su amiganan stima

Nos disculpa si den nos tristeza nos por a lubida
algun miembro di famia.

**Ta invita pa acto di condolencia y
despedida** cual lo tuma lugar Diamars 16 di
September 2025 na Aurora Funeral Home di
9or pa 11or di mainta.

Cremacion lo tuma lugar despues den seno
familiar.

Nos disculpa pero despues di despedida nos no
por ricibi bishita di condolencia na cas.

Aurora

Royal Pray

Funeral Home & Crematory

"Señor ta mi wardador,
mi'n tin falta di nada.
Den cunucu di yerba
berde e ta ponemi sosega.
E ta hibami na awa
trankil, pa mi bolbe haña
forsa".
Salmo: 23

Cu dolor na nos
curason, nos ta participa
fayecimento di nos ser stima:

Vivecca M. Franken

Cariñosamente yama "Juffrouw Vivecca"

★19-09-1965 - †10-09-2025

Acto di entiero lo wordo anuncia despues



Aurora

Royal Pray

Funeral Home & Crematory

Hesus a bisa e disipelnan: 'Laga e muchanan bini serka Mi. No kita nan di bini, pasobra reino di Dios ta pertenesé na esnan manera nan.' Mateo 19:14

Cu dolor na nos curason, nos ta anuncia fayecimento di:

Richandra Su-ellen Bislip
*05-08-2012 †11-09-2025

Acto di entiero lo wordo anuncia despues.



Aurora

Royal Pray

Funeral Home & Crematory

"Truly, He is my rock and my salvation: He is my fortress, I will not be shaken" Psalm 62:6

With deep sorrow in our hearts, we announce the passing of our dear:

Monica Veronica Finlay
*06th September, 1939
†11th September, 2025

Date and time of funeral, will be announced later.



E cantidad di morto den e explosion di tanker di propaan na Ciudad de Mexico ta yega 15



(AP) - E cantidad di mortonan a causa di e explosion di un tanker cargando propaan na un carretera di Ciudad de Mexico siman pasa a aumenta na 15 segun autoridadnan a informa dialuna.

Oficialnan di salud di Cidudad de Mexico a anuncia riba e plataforma di red social X cu un homber di 40 aña a fayece a causa di su heridananan y despues oranan mas atardi a bisa cu un di 15 persona a fayece, sinembargo no a identifica e persona aki. 39 persona te ainda ta hospitalisa.

E candela cu a surgi a causa di e explosion diaranson ultimo a cubri mas di 2 dozijn di vehiculo y a laga decenas di persona cu kemadura extremo.

Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa tranquil, Pa mi bolbe haña forsa". Salmo: 23

Nos ta anuncia fayecimento di

Franco Franklin Gregory Eckmeyer
*30-05-1988 - †10-09-2025

Acto di entiero lo wordo anuncia despues



Aurora

Royal Pray

Funeral Home & Crematory

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa tranquil, pa mi bolbe haña forsa". Salmo: 23

Cu dolor na nos curason, nos ta anuncia fayecimento di:

Sr. Jacinto A. Kelly
*02-09-1956 - †12-09-2025

Acto di entiero lo wordo anuncia despues.



Aurora

Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi" Salmo 33

Cu dolor na nos curason, nos ta participa fayecimento di nos ser stima:

Iris Maria Croes
*23-09-1937 - †12-09-2025

Acto di entiero lo wordo anuncia despues



Aurora

Royal Pray

Funeral Home & Crematory

Mira con Dios a salba mi, Tur mi confiansa ta den djE, Mi n' tin miedo: Señor Dios ta mi forsa, mi refugio. E mes t'Esun cu a salba mi. Isaías 12:2

Cu dolor na nos curason, pero conforme cu Dios su boluntad, nos ta participa fayecimento di nos ser stima:

Sra. vda. Maxima E. Semeleer-Paesch
Cariñosamente yama "Shomina, Chimina y Mamina"
*01-02-1934 - †13-09-2025

Acto di entiero lo wordo anuncia despues



Aurora

Royal Pray

Funeral Home & Crematory

Mi Dios, Mi Señor, Mi Salvador Cu Bo amor infinito tenemi den Bo braza Ya no tin scuridad Unicamente Bo Luz briyando

Cu dolor na nos curason, nos ta participa fayecimento di nos Casa, Tata, Welo y Omo stima:

Sr. Rito O. Croes
Cariñosamente yama "Papa Rito"
*02-01-1948 - †12-09-2025

Acto di despedida lo wordo anuncia despues



Dos homber na Zambia sentencia pa plan di mata e presidente cu bruheria

(AP) — Un hues na Zambia a sentencia dos homber dialuna pa termino di dos aña den prison cu trabao duro despues cu nan a ser declara culpabel di plania asesinato di e presidente usando bruheria.

E hombernan, un ciudadano di Zambia y un ciudadano di Mozambique, a ser declara culpabel bao di un ley di bruheria di era colonial si-man pasa.

E corte a haya cu nan tabata den posesion di amuleto, incluyendo un kamaleon bibo, un rabo di animal y 12 boter di mescla y tabatin intencion di usa nan pa pone un bruheria riba Presidente Hakainde Hichilema cu e intencion di mat'e.

Leonard Phiri, 43 aña, y Jas-ten Candunde, 42 aña, a suplica pa piedad for di e huicio



cu a sentencia nan.

E ley di bruheria di Zambia, pasa na 1914, ta defini e

practica di bruheria manera pretende pa eherce cualkier tipo di poder sobrenatural, bruheria, of encantamento

cu intencion di causa miedo, molestia, of daño. E sentencia maximo ta tres aña na prison.

E proceso tambe tabata carga cu intriga politico, cu fiscal alegando cu e dos homber a ser contrata door di un rumman di un ex-miembro di parlamento pa maldeci Hichilema.

Polis a bisa cu e hombernan a ser aresta den un camber di hotel den e capital, Lusaka, aña pasa despues cu un empleado di limpieza a reporta tende sonido straño. Nan a ser haya cu un kamaleon den un boter y e otro articulonan.

Hopi creencia tradicional a sobreviví na Zambia hunto cu su religion cristian oficial. Un estudio na 2018 door di e Comision di Desaroyo di Ley di Zambia a haya cu 79% di Zambiano a kere den bruheria.

E creencia den bruheria ta comun tambe den hopi otro pais Africano.

Inmigrante deporta for di Merca pa Ghana a ser manda cas unda abogado ta bisa algun por enfrenta tortura

(AP) — Un grupo di 14 West Africano deporta na Ghana for di Merca a ser manda nan pais di origen, un luga unda abogado representando algun di e hombernan ta bisa nan ta enfrenta un riesgo di persecucion of tortura.

Noticia di e deportacion di e West Africanonan pa Ghana a aparece siman pasa, provocando un demanda di parti di abogado Mericano. Nan ta argumenta cu e movimiento tabata un intento door di autoridad Mericano pa evita nan propio ley di inmigracion cu ta preveni cu algun di e hombernan lo mester regresa nan pais unda nan bienestar por ta den riesgo.

Dialuna, Felix Kwakye Ofori, minister di Comunicacion di gobierno di Ghana, a bisa Associated Press cu tur 14 — 13 Nigeriano y un Gambiano — "a bandona nan pais di origen," sin bisa ki tempo nan a ser regresa.

Abogado ta bisa cu ta un otro caso di e administracion di Trump deportando hende y despues purba pa distancia su mes for di e repercusionnan. E caso a causa comparacion cu esey di Kilmar Abrego Garcia, kende e administracion pa fout a deport'e na El Salvador a pesar di un orden di corte cu a prohibi esey, y despues a ar-

gumenta cu no por haya el bek.

E administracion di Trump, enfrentando cu hende den proceso di inmigracion cu pa motibo legal y procedural no por ser manda back nan pais di origen, ta cada biaha purba manda nan na un di tres pais cu cual e administracion a crea acuerdo pa acepta persona deporta.

Abogado ta argumenta cu e hombernan tin proteccion legal

Abogado representando 5 di e hombernan West Africano a presenta un demanda diasabra argumentando cu e hombernan, kende a ser manda Ghana hunto cu otro 9 hende, tabatin proteccion legal preveniendo nan di ser manda cas over preocupacion cu nan lo ser tortura of persigui. E reclamo, presenta door di abogado pa Asian Americans Advancing Justice, a bisa cu e hombernan tabatin concedi alivio basa riba miedo di ser manda nan pais y a pidi e hues pa stop nan deportacion inmediatamente.

Un hues federal Mericano diasabra a pidi e gobierno Mericano pa detaya kico e tabata haci pa sigura cu Ghana no lo manda e inmigrante na otro luga den violacion di orden di corte Mericano. E acuerdonan di e administracion cu paisnan yama "di tres pais" manera Ghana ta parti di un

supresion di inmigracion amplio buscando pa deporta misionan di hende for di Merca.

Un abogado di Departamento di Husticia a argumenta cu e hues di e caso no tin poder pa controla con un otro pais ta trata deportado. E abogado a nota cu e Corte Supremo di Merca e zomer aki a dicta cu e administracion por sigui manda inmigrante na pais for di cual nan no ta, aunke cu nan no tabatin un oportunidad pa expresa miedo di tortura.

Lee Gelernt, un abogado pa e Union Civil Liberties Mericano kende ta parti di un grupo legal representando e 5 hombernan den e demanda, a bisa dialuna cu e situacion completo "ta hule malo di un fraude."

E demanda presenta na nomber di algun di e migrante a bisa cu nan tabata deteni den "strait-jacket" pa 16 ora den un vuelo pa Ghana y deteni pa varios dia den "condicion vies" despues cu nan a yega eynan.

Ghana ta rechasa acusacion cu e ta endorsa e politica di inmigracion di Trump

E oposicion y activista na Ghana a critica e decision pa acepta e deportado di e di tres pais. Miembro di parlamento di oposicion a bisa cu e ta lanta "preocupacion constitucional, soberania y politica exterior se-

rio cu no por ser ignora."

Na un conferencia di prensa den e capital di Accra, e Minister di Asunto Exterior di Ghana Samuel Okudzeto Ablakwa a rechasa criticamente cu e decision tabata un acuerdo di e politicanan di inmigracion di Presidente Donald Trump di Merca. Ablakwa a bisa cu Ghana no a ricibi ningun compensacion financiero for di Merca over di e deportacion.

E gobierno di Nigeria a bisa cu no a ser informa tocante su ciudadanonan ser manda Ghana y cu anteriormente el a ricibi Nigeriano deporta directamente for di Merca.

Ningun di e 14 deportado

tabata originalmente for di Ghana y e 5 West Africano cu a presenta e demanda no tabatin conexcion cu e pais of a scoge e como un pais potencial di movimiento, segun e reclamo.

Abogado y activista a bisa cu e administracion di Trump ta parce haci tal peticion di deportacion na e nacionnan mas afecta pa su politicanan riba comercio, migracion y ayuda. Ghana a uni cu Eswatini, Rwanda y Sudan di Sur como pais Africano cu a ricibi migrante for di e di tres pais kende tabata deporta for di Merca, un enfoko cu su legalidad a ser cuestiona door di abogado y organisacion di derecho humano.



Biba bo Summer Dream



Ki ta bo soño e zomer aki?
Laga bo zomer briya cu CMB!

CashBack
cu Bo Prestamo Personal

Regalo Cash di
Afl. 1.200

pa mas informacion subi:
eamigo.com



Presta responsabel.

E promocion aki ta valido te cu 30 di september, 2025. Prestamo personal "BIBA BO SUMMER DREAM" tin un interes efectivo di 16.00% p.a., mientras cu e duracion ta minimo di 3 aña cu un maximo di 5 aña.

E suma SUMMER CASH BACK di Afl. 1,200.00 ta conta exclusivamente pa tur sumanan di prestamo di Afl. 15,000.00 of mas y tambe pa tur otro terminonan di pago cu ta mas cu 3 aña. Prestamonan cu no ta cumpli cu e rekisito minimo di e suma di Afl. 15,000.00 of e termino di pago minimo di 3 aña lo no yega na remarca pa haya e SUMMER CASH BACK di Afl. 1,200.00.

Clientenan existente mester aplica y wordo aproba pa un minimo di Afl. 10,000.00 na fondonan nobo y cu un termino di pago di minimo 3 aña. Mientras cu nan prestamo existente mester ta paga pa mas cu mitar di e suma original.

Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V. Condicionnan di empleado, sea ta pa medio di contrato colectivo (C.A.O.) of segun contract di trabao di banco, no ta aplicable pa e oferta aki.

Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional. Un seguro di riesgo lo wordo cobra igual na 4% di e suma di e prestamo, mas e interes y gasto di administracion cu un maximo di 900.00 florin. Den caso cu prestamonan personal wordo cancela prome cu e termino acorda, Caribbean Mercantile Bank N.V. ta reserva e derecho di cobra un boet di 10% di e interes acorda durante ful e periodo cu a resta.

Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Scan QR code
pa pre-aplica

